

翁山詩外

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY



F4 OCT 1951

03

T5460/7244.3

共十二本

八



端州道中望峽口積雪



漲海衝寒片席斜驚看積素亂朝霞
西風不為飛葉南雪何因亦作花
欲曙羚羊疑落月初晴鬱水失平沙
炎方天氣年來異梅蕊那能當物華

西上牂柯盡翠屏峰迴不見峽門青
初飛員屋

山名

即七星岩多巒雪新聚牽牛有客星

用士燮事時制府賓客頗盛故云

白鷺暖交橫浦口嘉魚寒出大湘亭
仙郎競有陽春曲聲共漁歌入杳冥

瀝湖舟泛

峯勢盤迴北斗同瀝湖應與絳河通
蘭橈曲曲穿巖口石乳泠泠滴鏡中
鴈影尚畱炎海雪鶯聲不

待落梅風芙蓉只解窺漁父蒼翠沾衣影似空

玉屏峰頂看梅

峰峰雪洗玉屏新一樹梅花未見人疎影忽生明月夜寒香先作白雲春盤盤風磴虛無外落落煙松太古身紅翠啄開千萬朶冰姿未落已成塵

呈韓憲副

牂牁一柱是裕臺文武聲華憲府開燕喜每期張仲飲干旄先下彼姝來羚羊束駐韓雍迹錦石西封陸賈才更爲南交持雅頌縱橫玉尺奮高裁

韓觀察席上次韻贈吳湖州

翩翩旌節嶺西年賓客同臨五嶺煙雪苑枚乘推

祭酒蘭臺平子正歸田三江暖愛初晴日雙峽寒驚欲雪天蝴蝶文章君自足休論孔雀有金錢

漢關

漢關南望淚痕滋大小琵琶撥盡時天子何須降黃鵠單于只解愛闕氏心同青艸千年在夢與香溪萬里期長使山川少顏色明妃生處有餘悲黃雲不逐錦車還望絕天南有漢關青塚易成蘭麝土紫臺難作苧蘿山空將春色歸龍塞豈有長城在玉顏才似少卿人更恨相逢無計與刀環

早春讌集三閭書院卽事

甲子

海岸猶餘積雪光春寒絕不似炎方鶯聲亦有江

南好梅藥從無塞北香五柳春秋空甲子三閭歌
舞是東皇嘉辰宴會良難得且共銜杯到夕陽

荅洪丈藥倩過飲之作

白首天心恨見遲空逢甲子上元時愁當陰雨開
紅酒喜得靈光共玉卮士馬只今無島嶼春秋那
得有華夷羊裘莫厭霜華濕會見春光滿樹枝

和人北固山下作

垂竿四十九鱸魚北固山前我不如花艸無情先
白下江山有恨首南徐金焦浩渺空天險龍虎盤
迴豈帝居最苦流鶯催淚易聲聲都是六朝餘

荅祁七苞孫

山陰祁氏有遺忠二六聲名與父同羝乳恨伊棲
雪窖鳳毛餘爾在煙空耶溪水淺難垂釣射的山
高且挂弓詞賦最能銷壯志未應花萼作文雄

敏公彪佳行六仲子班孫最知名亦
行六班孫以事成遼東故有第三句

諸父高風我所師名齊驃騎幾人知忠良子姓難
無忝少小英雄易有時水愛苧蘿能雪恥山憐空
石解銜悲蘭亭往日同修禊觴詠而今更有誰

謂祁七之叔父四先生駿佳
五先生身佳七先生熊佳也

鏡湖佳在鏡湖橋蘭棹維時奏玉簫東市雖然琴
散絕西秦尚未筑聲消能逢句踐方君子莫弔湘
纍只大招慷慨肯教生白髮銜杯且趁落花朝

東市

魏錢二
君事

寓山山上最高樓兄弟頻教劍鳥留不共遠東為
白鶴幾從函谷作青牛相逢雛鳳慚耆舊獨似先
臣愛遠遊珠玉荷君頻見贈淚行重向錦箋流

珠江春泛作

珠水煙波接海長春潮微帶落霞光黃魚日作三
江雨白鷺天畱一片霜洲愛琵琶風外語沙憐菜
莉月中香斑枝况復紅無數一棹依依此夕陽

洲在珠江之東菜
莉沙在珠江之西

至西寧下城峒奉訪龐卯君五丈

老向瀧西一角中畬田數畝自先臣香杭亦用青

楓染玉饌惟將錦鯉陳花以無名長在樹禽因有

喜屢催人雞藤一一皆靈壽杖到天邊總是春

人每遇三月上巳輒以楓葉搗汁蒸香粳為飯色
黑而香亦青精飯之遺也西寧水口多錦鯉其身
圓如葵葉亦曰葵鯉肉細而甘又有雞藤香可為杖

悼馬

與爾蒼梧數潰圍艱難得逐大軍歸金瘡乍合頻
思戰畫角才吹便欲飛三歲龍駒方早壯兩年香
稻亦偏肥無端一蹶驍騰失淚滴空鞍葬洛暉

平湖逢馬培原給諫時給諫被沙門服

平湖雨過白鷗飛有客扁舟薄暮歸明月漸圓居
士法天花猶著比丘衣湘纍夢寐通瑤圃梅福封

章隔紫微去國離家予亦久相逢蕭寺淚同揮

送孟宮諭

宮諭朝從鳳閣來聲華先滿越王臺斑駁復作炎
荒客鴻鵠元稱羽翼才風雨羅浮離復合晴明花
葉落還開心隨潮水殷勤甚送到禺陽不忍迴

贈番禺明府

羅浮西麓是番禺山勢雙蟠接海珠仙令至今來
葛氏人家自昔在蘭湖持將瀑布為膏澤更有離
支入畫圖重與炎洲添勝迹沉香不使浦中無

崇龜為廣州守親舊干
謁者但作荔支圖與之

菊

天畱一本是純黃吐蘂偏宜十月霜滋味總因秋
後苦芬馨全以臘前香憐生石上無肥土恨種墻
陰少太陽白髮媼慈勤灌溉明年重九待浮觴
歲歲遲開苦積陰重陽不得逐登臨幽人豈可無
甘節芳艸繇來有本心老向炎天嫌雪少寒成佳
色喜霜深東籬人去誰能采汎酌秋英更鼓琴
無多花蘂在籬東不食愁將苦蕒同朶朶霜乾猶
抱蒂枝枝露濕已當叢秋來栗里多佳日歲晏陶
公有素風天為忘憂生此物摘來休使酒樽空
南村未有素心賢閉戶惟將醉石眠孤影甚思名
酒勸白頭微得好花憐餐英一一兼寒葉飲露依

依似暮蟬香入簞瓢霜氣早清齋不必露葵鮮
幾本蕭疎出艸間清霜染得淚痕斑猶嫌太白同
衰鬢且喜微紅上老顏尺寸培根終歲苦東西乞
種一身閒乾來作枕圖明目細作真書寫小山
衰年服餌最相宜甘苦惟應薏苡知無酒易過重
九日有花難及肅霜時香薰百艸誰能似根浸三
泉更不移長與青青沅澧者春蘭終古一相思
二九人人望節花那知真菊未英華白衣自愛陶
公酒秋色誰爭處士家葉葉煎成油餅大枝枝壓
得籜冠斜陰威最喜佳名好餐服功多勝海霞
霜姿偏向歲寒新早識秋榮絕勝春三秀喜非秦

代物九華疑是晉時人山妻麗艸能爲頌野老金
英解與鄰衰露不辭懷袖濕仙靈教我納朱唇

芭蕉

孤心只在葉中央一夕抽開二尺長不雨寒聲猶
滴瀝無風疎影已清涼全遮北郭芙蓉館半拂東
鄰薜荔墻結就香牙甘美甚霜時割得一梳黃

菜

瓜蔓初除菜甲香花邊小作數畦長丈人筋力惟
提甕稚子饑寒可代糧陰愛綠葵含夕日寒憐白
薤負秋霜山妻旨蓄惟蒲筍笑共彫胡進北堂
菘芥初生摘未稀窺園不及下書幃能知歲月惟

青艸解讀春秋有白衣子母三冬瓜蒂苦君臣一
代蕨花肥桔槔亦是忘機者引得流泉下翠微
園蔬自種向西疇食肉無心作虎頭都尉牛羊終
見辱野人葵藿未忘憂胡蔥大葉穿沙早越薤長
莖出水秋未作老農先老圃荷鋤長得在羅浮
戶外開畦傍水雲兒童灌沃一筒分斷葱日日勞
滂母挑菜朝朝泣范君葵葉滑甘雙箸下芥薑香
辣四鄰聞明年春日春盤獻更有蘭芝吐紫芬
池塘風靜水微波野客朝朝負汲過菡萏東西花
葉滿茨菰十二子孫多團團芋葉包青鯉曲曲藤
枝趕白鷺更向浮田親摘菜不辭寒雨濕漁蓑

老向丘園道未非一生精力在芝薇兩收香稻燒
畚熟三翦青葱壅土肥引水花邊聲細細畱雲樹
底影微微新蔬亦可充甘旨繡佛堂前未敢違
黃桑白柘繞蓬廬每恨場師我不如微菜春烹惟
瓠葉小鮮秋薦但鱸魚牛羊影亂天將暝蟋蟀聲
寒歲欲除閒學憲王圖本草贈人還有種葱書

南海廟作

金銀宮闕映朝暎火帝南兼水帝尊萬里朝宗來
百谷中華形勢盡三門雲開帆席洋船過月出樓
臺海市屯元氣茫茫全化水不知天外有漁村
南越人祠盡祀融章丘平處有行宮三江水到扶

胥大萬里天歸漲海空潮汐舊從獅口入帆檣新
與虎門通天畱一島蒼茫外可惜田橫事不終
扶桑影逐海雲過蜃物春來變怪多日暖羊城來
士女月明龍戶有笙歌家家水帝祠南海歲歲天
朝使暹羅漢將神靈銅鼓在風吹音響滿滄波

寄懷王處士不菴焯

苦憶君公白髮長墻東依舊水雲鄉漢家男子惟
垂釣楚國騷人正采芳匏葉浮沉難涉水菊萃甘
苦總含霜何人再拜還牀下知己凋零在白楊

懷桂林

太舉兒孫在桂林參天筍石總森森東西柱向穿

山出左右江連嶠水深光祿堂前曾酌酒伏波巖
上復鳴琴軍書一卷畱苔蘚他日思從洞口尋

哭顧徵君寧人炎武

幽燕久客似遼東絮帽天寒苦朔風飛兔有人還
不帝伏龍於爾獨稱公白頭無子遺書散黃石多
年故冢空畱得孝陵圖記在教人涕淚哭遺忠

君有昌平山水圖

昌平山水是天畱海嶽朝宗此帝丘一代無人知
日月諸陵有爾卽春秋書生得盡惟哀痛故老
難存苦白頭遺骨故應園下葬年年天壽守松楸

招魂不返恨天涯旅櫬空歸葬海沙楚國兩龔長
不食淮陽一老久無家蒼松歲晚孤生苦白鷺天
寒兩鬢華聞道五經多註釋不知誰爲作侯芭
登高憶共雁門間北望京華灑淚還白馬小兒猶
漢殿青牛老子已秦關河聲不解消長恨山色惟
知老玉顏耆舊只今零落盡北邙松栢爲君攀

爲惠陽魏少府壽

司馬停驂穗石邊豐湖未有主人賢花中臥治兼
三郡海上行春又一天浦愛沉香清有月山懷象
嶺翠無烟初冬已見南枝滿父老持將頌大年

送典試劉工部

旌節翩翩向北還茱萸家在第三灣纔同白鴈來
炎海又逐紅梅出庾闕得士多於珠子樹懷人更
在石公山天寒尊酒能相送亦有羅陽一白鵬

木末亭

木末亭臨萬井中遙遙正對孝陵宮九原未肯
成黃土十族猶然吐白虹自古以來無此死教人
不忍作愚忠雨花臺畔啼鶻滿血染蘼蕪一片紅
想像忠魂在舊京君臣自此益深情佯狂豈是三
仁志哀痛猶傳一代聲往日衣冠留木末只今俎
豆失江城無多書種難留汝恨絕興王不愛名

感事

茫茫一島是天留父子經營作首丘亮在自能存
社稷橫來那得更王侯君臣不肯歸魚腹舟楫從
教到石頭恨絕生降虛百戰桓文事業委東流
堂構徒勞四十春虛無宮闕有金銀乾坤不沒憑
孤嶼日月長存賴一人事敗自應同正命時危那
得作遺臣三千尚可收餘燼力爲亡諸更破秦
神華縹緲蜃樓中吐納風濤有漢宮一代波臣持
日月十年海外盡英雄書王虛擬春秋事竊帝難
成割據功五百豈關無死士將軍不欲令名終
市井多年作隱淪不須東海更逃秦英雄自古元
無主華夏而今豈有人憔悴空教漁父笑佯狂合

與酒徒親滄浪清絕無纓濯散髮風前重愴神

兩粵督府祝嘏詞

亞相宣威五嶺來東南天柱是裕臺和平自得康
公壽文武誰如吉甫才去歲羚羊寒有雪今年員
屋暖多梅嘉魚又復期張仲至日風光滿玉杯亥

十一月於羊

嘉魚出小湘峽冬
月賣向裕臺市上

嶽積雪彌望
裕臺此日卽裕高喬嶽精靈在節旄炎海一邊消
瘴癘越裳三載息波濤雍容師保惟周禮羽翼春
秋有楚騷棠下人多春酒獻巡行召伯不辭勞

斧鉞東臨屢有年蠻方人賴袞衣賢不將南庫歸
京闕自作長城控海天七朶芙蓉珠斗曲一輪明

鏡玉臺圓無多香尉留州郡盡沐清風嶺嶠邊五六

謂七星巖
瀝湖也

馬上黃門鼓吹多行邊西上極祥柯交人競拜雙
銅柱客宿長依一玉珂幕府琴彈槃木曲門生笛
奏武溪歌軍中盡識投壺禮宴樂公堂滿太和

贈高第街鄰人李叟

高第南臨珠水濱堂開與爾作芳鄰東家御史稱
寒鐵西舍仙儒是抱真詩筆每爭烽火樹棋枰多
就落花茵書樓月色微明夜相照須君太乙才初國

周公新稱寒鐵御史李先生孔
修私謚抱真皆嘗居高第街者

野菊

野菊叢叢委道傍花雖細朶亦芬芳朝分蔓草惟
零露暮得空林是夕陽佳色恨無彭澤見落英疑
有大夫香生來苦蕙誰能識欲寄幽人隔水鄉
重陽節後汝先寒甘苦合霜滿玉盤豈必東籬方
可采未須南楚已堪餐浮沉片片宜蘭酒黃白枝
枝稱籜冠野外無人香更甚移根休使近雕欄

重至都虛觀作

石勢盤迴下翠微峰峰有瀑似煙霏參差古木穿
松出掩映寒花間葉飛白髮休教毛女笑黃冠好
逐羽人歸仙壇歲久無香火欲掃莓苔恐濕衣
仙山鎮日白雲封磴道依稀四百重分去祗成雙

瀑布合來元是一芙蓉臺邊月作麻姑鏡洞口風
爲羽客鐘古觀無人黃葉滿鹿麕行處有遺蹤

懷偉公

歲暮憐君匹馬輕干人未免仗才名三喪何處求
蒿里十口無歸在穗城處處山川含劍氣年年市
井有簫聲艱難我亦頻爲客白首棲遲尚未成

過西村訪蒲衣子作

咫尺沙亭是故園西村何必讓南村門生吹笛迎
溪口稚子舁籃出市門翠羽最憐么鳳小蒼鱗長
識老龍尊新詩一一忘憂物不必蘭房更樹萱

二云昔欲
居南村

再賦老樹篇爲少叅公壽

兩世甘棠大葉榕城邊望似一峰峰康公父子多
陰雨太峯兒孫亦地宗春酒人爭持大斗歲星天
使在南禺依依袞繡東山下歌舞公歸悵莫從

聞觀察公以暮春日與諸公爲菖蒲澗之遊
賦此紀事並以爲觀察公壽

天南三月卽清和憲使相將散玉珂秦代仙人瑤
鳥在堯時春韭紫茸多光輝飲御惟魚膾披拂風
流有女蘿聞道長生須九節不妨采采濯清波

謂安
期生

舟經晉康奉訪州使君有作

大小湘流繞訟庭使君日對數峰青西將錦石爲
天柱北倚香山作玉屏白鹿春行蒲媪地嘉魚冬
膾大中亭舟過欲識神明守未忍揚帆入杏冥

忠養堂書懷

無才不敢恨長貧老大惟知與道親几杖高堂多
古物衣冠中土有遺人碧梧早落過芳歲黃菊遲
開及好春繞屋雲山無路入一家雞犬自先秦
雨過山堂秋氣新書聲日日接西鄰陶公紙筆爭
兒女茅氏瓜蔬笑客人缸底醇醪多日盡鏡中衰
貌幾時春尋嘗古几當花隱白首韓康有老親

奉和澹翁六叔父開春病起之作

用原韻

花爲春寒未海棠猶餘梅過立春香憐翁身入新
年健與我情同愛日長吟處自能空海嶽酒中那
得有彭殤消除白髮詩篇在况有知音在艸堂
遶屋雲山盡玉屏人間何處有沙亭禾皆兩熟香
粳白榕是千年細葉青先祖舊栽長命樹曾孫頻
見老人星丈人於我爲諸父抱甕相將入杏冥
多謝鶯聲送酒杯一詩成似一花開古稀已在義
皇上難老還如稚子來心共青蘭春箭發吟隨白
鳥暮聲迴溪邊正可垂生釣作鱸相期向小臺

六十有九矣

煙管峰峰枕海平衡茅相接午雞聲三閭子姓元

南楚二老衣冠是舊京
騷學自應推小父人師未
敢讓諸兄開春燈火叢
家廟列坐歡娛且慰情
五嶽歸來一艸廬依依
桑梓未離居弟兄遺恨無
三謝父子追歡有二疎
石路乾時人引杖花窓靜
處鳥窺書從來養壽惟
芝艸綺皓何人便不如
四百羅浮在枕邊一年
春向一峰眠夢爲蝴蝶元
非我生作蜉蝣亦是仙
服食儘多真日月經營終
少幻山川逍遙見說須
無待姑射神人本自然

鴛鴦蓮

友人池蓮歲癸亥有一花
色兼紅白以鴛鴦蓮名之

雄白雌朱一朵中鴛鴦共命
恰相同東家傅粉嫌全素
北地調脂愛半紅池滿絕
愁羅襪濕月明頻

使玉壺空田田葉裏開無數
獨爾雙飛入蕊宮

豈知花亦有鴛鴦一朵中
分兩色香半染朱霞爲
面貌全裁白雪作衣裳
心含甘苦無雙蕊蕊結氤
氲總一房世上芙蓉那有
此多疑雒女弄新粧

紫蘭

小小春萌卽作花
心中抽出紫莖斜
真同蘭蕙爲香祖
絕似瀟湘帶露華
深淺總分紅翠色
芬芳長在美人家
凌朝摘去愁纖手
取向窓前傍綠紗

翡翠蘭紅翠者
翡翠之別種

花朝後一日同黎子及諸從兄弟小集澹翁
家叔園林分賦

九十春光一半中吹寒昨日始東風鶯如嬌女雛
偏好花似仙人老更紅大阮竹林畱父子先臣香
艸與童蒙樽前不暇舒長嘯名飲風流且自雄

獨酌

時丙寅春
五十七歲

歲月無多嘆逝川七旬更待十三年忘憂却在難
忘處學道還如未學前黃鳥竹間催獨酌白鷗花
下伴閒眠藏書不少名山業兒女他時各一編

賦贈番禺孔明府

特簡名賢向越臺素王苗裔魯邦來真知孝友能
爲政自有神明不用才泗水流添珠海滿尼山色
映玉峰開番禺自昔循良少豈弟如公接上台

丙寅春日承王大將軍招同諸公雅集分得

簫字

時牡丹
盛開

花發將軍折簡招天香驚似雒陽飄酒痕一一沾
紅藥棋勢時時得紫貂羽獵思隨珠浦馬弓鳴憶
貫玉門鵬自來高詠憐袁虎謝尚風流豈玉簫

賦贈廣州劉靜菴太守

十郡樞機是廣州公來賢冠九諸侯江間再作沉
香浦洞口重開穗石樓楚國辭華多雅頌炎天文
獻少春秋深憑玉尺加裁定勿負殷勤一太丘

修爲廣州刺史有五仙持穗之瑞侯楚黃人
時受陳省齋先生助予纂修廣東文集之囑

紅石榴

百疊裙裾染艷霞
仙人剪作此靈葩
光凝蝙蝠千年血
丹吐芙蓉萬點砂
奇樹舊分西海種
孤根元逐漢臣槎
珊瑚不敢言烽火
枝榦何如朵朵花
光爭龍燭是流暉
不夜名葩世所希
絳萼燒時雲盡暖
丹鬚濕處露多肥
枝枝影爲朱天出
朵朵香同赤帝歸
更喜千房同一蒂
清冷不使玉漿微
真疑夜火百枝然
晞采扶桑色正鮮
吐納朱光成十日
芬披丹氣作雙煙
膏凝可釀扶南酒
裙縵堪畱太液仙
千葉垂腴嫌太密
有時難見曉粧妍
曄曄珊瑚映水宜
炎雲沐浴更生姿
承風影拂河陽樹
向日心傾若木枝
珠熟紫房開莫早
丹成朱

火養休遲不教纖手頻來折
畱燭蘭堂欲暮時

丹若枝枝越女家
紅爭一朵髻邊霞
煎成藥餅須千葉
擣作香脂費幾花
傾向玉盤新滴瀝
移來金谷舊紛葩
水晶千子憐如一
浸液霜滋似露華

粵中

四月八日

以白石榴葉爲餅相餽名曰藥餅鄭虔云山石榴可作臙脂

並蒂分貽弄鏡人
熒熒一瓣上丹唇
紅華自得江郎頌
朱實誰誇石氏珍
奇麗總無山海別
馨香更爲雪霜新
簪來玄髻如朝日
解化南威艷絕倫
纔看絳采滿繁莖
已望天漿一雪醒
烽燧每教人巧笑
冰霜難奪爾孤榮
朱房薦處蒲萄讓
素粒開時小鳳爭
華實有誰能並
面爲君裁賦答奇生

炎州

有凌
霜榴

灼灼紅牙大火含玉顏
酡爲露華甘施朱已似東
家赤染粉何須北地藍
葉作香湯爭午日花爲仙
醞盛瓊南辟兵符子兼雙
朶兒女紛紛角髻簪
結就金牙重壓簷摘來教
且貯香奩雙房自得黃
牛直一實人爭白馬甜
夏吐已憐緜的滿秋開還
愛絳鬚添朝朝相對丹暉
坐扇暑風多不捲簾

記白馬甜榴
一實直牛

重結重開一歲中
端陽節後未枝空
甘成玉液能療渴
白就丹砂可養蒙
石虎苑中傳子大
香爐峰上更花紅
垂光九夏多炎德
吐盡精華爲祝融

題陳獻孟城南新居

山公相愛遂移家
且得園池傍海沙
南北未教蓮葉大
東西先遣柳條斜
何須潦倒頻中酒
已有風流似浣花
多養白鷺萍藻上
右軍來寫一天霞

軍爲君
卜築

小南城畔石堂開
艸滿從無牧馬來
夜哺自憐烏有母
朝飛人歎雉無媒
竹竿多植貪苞笋
花蒂頻畱待結梅
居士近耽禪寂甚
蒲團一一在琴臺
避暑池塘十日畱
兩家萱艸總忘憂
雨中汕子多金鯽
烟外將雛有白鷗
月出箏琶喧粉堞
風過帆席拂丹樓
芭蕉欲使遮城角
葉葉聲寒不畏秋

白髮高堂繡佛前
絲來至孝自通禪
夫妻苦葉愁多水
母子甘瓜喜滿田
有道何妨爲紫椹
無心不覺吐青蓮
清齋便可頻來共
看爾承歡疎磬邊

郭氏未成婚

送靜公別駕之南寧

五月滇黔水大來
愁君西放畫船迴
中閨咫尺鄰銅柱
新詠參差是玉臺
孝友人知花萼好
精誠自使瘴煙開
休嫌事業多邕管
天愛文淵此用才

呈某按察使

重來聽訟海雲間
司寇冠形似舉山中
正自教金矢得神明
長與玉琴閒
湘纍子姓憐三戶
白傅詩篇動百蠻
咫尺臺門高不極
肯容狂客一追攀

洪州喜遇京口宋君

滕王閣下繫扁舟
尊酒相逢慰遠遊
京口英雄能六博
君卿意氣動諸侯
烟生南浦漁帆隱
雨過東湖鴈影秋
一代只今高士少
故知磨鏡自風流

代壽兩廣制府

開府勲名冠一時
粘臺百尺建旌旗
羊公裘帶高炎服
山簡風流照習池
嶺表梅當長至發
弧南星與老人期
鄉園此日蒙膏澤
春酒相將頌介眉

奉送蔣少叅督學中州

旌節翩翩不可留
大河南北望風流
歲星又復移

嵩嶽時雨行將化豫州身作人師先嶺海書成臣
鑒亦春秋江干相送難為別煙樹蒼蒼滿驛樓

臣鑒
一編

贈王端州

專城自是古諸侯露冕牂牁控上游石室已多高
士榻嵒臺還有庾公樓天寒翠羽沙邊宿日暖嘉
魚峽上浮愛客壺觴情不淺絲來太守最風流

端州逢某使君賦贈

三江東作一江流西水微茫汝欲愁使者龍荒虛
歲月先公馬鬣未枯楸身為喬木多連理家與崑
崙在上頭努力當年開府業二難聲望滿炎洲

關名在
邕州

壽西洋郭丈

書牀花發貝多羅鸚鵡堂前解唱歌明月新生珠
子樹白雲初熟玉山禾千年命縷絲能續七日仙
棋著更多最是端陽榴火好為君流照玉顏醅

生子
為端陽之七日

季秋之五日承諸族父過賞菊梅分賦

未及重陽菊已披梅花數朶映霜姿頻將春色添
秋色不惜寒枝作煖枝甘苦已教陶令識芬芳更
與阮公期竹林相過須沉醉莫待登高倒接籬

珠江觀競渡聯句

滄口人家盡繡簾均大衣翻蛺蝶麝蘭添修屈徵歌曲

愛蓮花豔劉進修注酒漿愁荔子甜均大水氣欲飛山

作雨修沙雲先白海成鹽均大貪看競渡忘歸去修進

搖櫓休催素手織均大

限一二三四五六七八九十百千

六七鴛鴦戲一溪愁人二十四橋西半天書斷三

秋雁萬里心懸五夜雞蠶作百千絲已盡烏生八

九子初齊丈人何處聽鳴瑟尺寸長垂雙玉啼

桃三李四已成谿六七花東八九西一尺髻高愁

墮馬五更衾冷怨鳴雞游絲百丈全難斷舞柳千

條半欲齊十二雙邊無寸字鴛鴦都作萬行啼

二六巫峰七十溪千迴萬轉八林西頻同半橋三

花樹不及雙飛一錦雞四角盤中書易就九枝燈

下影難齊春絲百丈牽方寸愁掩羅中五尺啼

對水仙花題畫中水仙花兼紫芝怪石

凌波看與宓妃同半在丹青半水中香氣分從冰

練出清姿交映玉壺空先春著粉教如雪向夕生

寒不待風最是芝華相伴好太湖石上一叢叢

丁卯元日作奉和澹園六叔用來韻

一冬喧暖望寒來元日陰陰雨不開春色未隨芳

草轉年光已被絳桃催能吟椒蘂餘中婦喜弄鶯

雛有老萊兒女鳴鳩方六七堂前爭得是花梅

正喜乾冬又濕年定知穀貴欲耕田鶯花縱好非
春色雨雪偏多是朔天親在敢言身老大時來尚
覺命屯遭蒼蒼容鬢多情甚解爲愁人一倍妍

人日雙檜堂社集與諸從分得高字

檜樹陰陰廟貌高相將人日事抽毫白頭寶勝分
雲髻新歲椒花剩玉醪已暖風光全在柳猶寒雨
色半含桃湘纍辭賦吾家事風雅能兼望汝曹

正月十二日集黃氏齋聽羅丈彈雜神操作
鶯聲已比去年長花氣猶含昨夜香忽把瑤琴彈
雜女盡驚羅襪踏春陽三城且莫喧歌管四座都
遲命羽觴幾處輕寒銷火樹祗須明月助燈光

奉和嚴藕漁宮允蒙恩予假南還述懷之作

次元韻

恩淡正可遂初衣勇退絲來世所稀吳地菰蘆還
獨往漢家鴻鵠已高飛光搖白蕩多漁艇勢截長
江有釣磯咫尺桐君相伴好客星苗裔未全非
勅取新詞內使催中堂持草入蓬萊玄成諷諫書
金上太白清平賜錦回北闕鸕鸞方接洽西山松
菊又歸來東鄰嫁畢今無女歌舞何人更作臺
三時晴雨望高旻沮溺無心笑問津香艸未能忘
楚國桃花那識有秦人春秋義向漁樵重日月書
歸艸野真遠志何妨爲小艸君歸更臥惠山春

炎方且爲荔支畱藥市東邊問伯休三島易尋徐
福國五湖難上大夫舟珊瑚樹待漁竿拂蔭葡萄花
期野寺遊寄語嘉禾供奉客更拋宮錦鳳池頭供奉

客謂朱錫鬯

嘉蓮詩爲汪右湘作

絕憐花亦有鴛鴦化出芙蓉兩朵香心苦但知含
一蕙影寒不肯作雙房玉顏紅白多因藕羅襪沉
浮欲渡湘知是主人能好色故將連理媚金塘
不知一朵還雙朵但是芙蓉卽並頭生作鴛鴦那
有恨開成荳蔻似含愁絲絲但在泥中藕片片從
飄水上秋寄語池塘題賦客休教折向采蓮舟

花朝前二日小集澹翁園林觀落紅有作限

塘字

一夕花流滿曲塘半沾泥萍尚紅粧子鵲血灑朝
煙濕謂杜鵑花巫女魂飄暮雨香謂蜀茶已落祗堪貽下
女未開猶可待東皇啼鶯莫向尊前怨春事明朝
定未央

贈嶺西僉憲孫使君

諸道聲華首嶺西裕臺高與使君齊英雄只可推
京口風雅何曾在浣溪錦石每勞三日望玉琴多
向七星携風流我亦能酣放相逐山公唱大堤使君

鎮江人

壽鄭母何太夫人

舞愛萊衣袖最長翩翩猶帶紫宸香
白華一一生珠樹紅翠紛紛繞玉堂
海上山盤天姥髻井中泉湧鮑姑漿
不須魴鯉分賓客已有聲華似鄭莊

壽李叟

野老相逢汝最賢知予心在上皇前
曾無白髮當明鏡爲有青尊養大年
蝴蝶不須分物我蜉蝣亦解笑神仙
桃花歲歲能多食自得童顏絕世妍

望羅浮

大小麻姑雨過時白雲開處見春姿
芙蓉影滿三千鏡紫翠光生四百眉
瀑布東西金滅沒石樓高下玉參差
當年坐臥青霞石亂長苔花不可知

東樵南望卽南樵蒼翠相連似不遙
亂著峰眉深淺色爭飛瀑布短長條
曾從玉女窺明鏡亦上麻姑弄紫簫
多謝白雲情太甚飛來一片屢相要

麻姑皆峰名

永安紫金山眺望有作

繞縣芙蓉四面來紫金爲枕玉爲臺
一樓西接雞冠出三殿東連燕尾開
風外二琴聲在水雲邊雙髻影當梅
夕陽蒼翠含煙火候月城頭一舉杯

燕尾二嶂名二琴謂南北琴江三殿雙髻皆峰名

水從丹嶂五江分流入秋鄉似白雲古渡鐵潭花

漠漠疎林火帶葉紛紛穿城汲影煙中見隔嶺樵
歌月下聞繫馬樓前貪極目描眉峰好最思君

渡名火帶逕名描眉峰
名江有五江在縣境

刈稻 丁卯秋日

秋日農家樂事多花黏早穫外沙禾妻孥終歲同
勤動沮溺平生共嘯歌魚鱉嘗新先十口雞豚養
老及雙蟠自憐老去無筋力十畝躬畊得幾何
如茨刈處海雲屯向夕船歸浦口村拾穗田間多
婦女打禾場上有兒孫牛肥大稈新多力雞啄香
粳久不喧明歲豚蹄應更祝先農解聽野人言
腰鎌向夕候潮還禾稼高高望似山田在海棠沙

首尾船隨黃木水灣環家家狼戾雞豚喜處處人
村鳥雀閒更好秋來無苦雨老農杯酒日開顏
沙田一望盡黃雲擊鼓看禾海上聞穫稻舟如鳧
雁合捕魚人向水煙分燒鹽處處因禾稈射弩朝
朝及驚裙生釣河豚還大得為漁吾亦勝為君
秋分寒露一齊收八月中旬九月頭禾好不過霜
降節年豐絕勝丙寅秋多時飯白無雲子一夕粳
香滿竹篝垂老胼胝吾自分獨憐難得耦畊儔
吾田每候落潮畊海水多鹹却易生秬米占城難
得種大禾南越最知名築場且喜浮沙少曬穀偏
宜霽日明種秫無多難釀酒祇應不飲過秋聲

新山詩苑
卷之
柚燈

柚燈多出女兒家持作中秋不夜花盡去紅瓢餘
紫玉深含朱火似丹砂枝枝巧製鸞龍樣顆顆光
爭日月華七夕素馨穿百子琉璃點處更如霞
羊城燈好最堪誇柚子雕成分外華珠向中秋爭
吐月火同元夕競生花佳人香染團團露稚子光
分點點霞歲歲霜林親買取酸甜不獨爲冰牙

河豚

河豚味美讓菱塘肝嫩何如肉有香放艇秋垂兄
弟釣行厨日治水雲觴絲來海錯稱山越每當園
蔬是水鄉市口腥風吹未已一籃爭買及新霜

蟹

水落鹹頭蟹不稀漁人網得虎門歸玄黃膏向臍
中滿大小筐從蛻後肥銜糯輸黏寒露節迎潮送
汝白雲磯野人饕餮三秋甚螯跪餐來當蕨薇

七寸桃

天桃七寸已生花有葉無枝朶朶霞不待三春方
少好未曾一歲卽紛葩紅顏賴爾多秋實白首須
君共歲華十四莫愁生子早雒陽誰不羨盧家

爲鄭公壽作

趙尉城邊講舍開年高几杖自天來康成階下多
芳草董子書中有玉杯白髮鴻妻同上壽青雲驥

子總多才稱觴不盡麻姑酒醉看翩翩舞袖廻

壽廣州太守劉公

天南文獻藉公傳僧孺風流映後先扇子聚珠會
不執沉香成浦更無邊由來葛鮑能爲政豈有龔
黃不是仙十月小春梅已蕊天心多在未寒前

爲百歲潘仁需翁壽

七朝畱得太平翁服食無營似竇公鬢左不須雙
肉角心中自有一方瞳兩兒杖國年皆至三叟鋤
田事亦同大斗爭持堂上獻我來先擬問還童

日

上某僉事

楚人時攝
按察司事

翩翩旌節日南廻五嶺樞機憲府開天下持平廷
尉在關中居重相侯來聲詩此日歸荆國飲御何
人在越臺無限鶯花歡士女擬將珠海注春杯

栽桃

新栽桃樹一株妍桃葉初逢飲乳年頭白尚多華
子利心孤偏得鳳凰憐房中歌向夫人授陰道書
從素女傳三歲天天誰不愛東方壽命藉君延
天使天桃性早華當春少小已如霞三千自得仙
人核十五頻開曼倩家羽扇文章栽鳳子玉盤膏
沐養蘭芽春山莫鬪睂長短儘有芙蓉勝館娃
溪外漁郎已早知挈舟不恨問津遲分來一笑秦

人手種作三珠漢苑枝春意盡歸無語處年華多在未開時綏山自是丹砂物况有盧家一女兒朝來露浣玉顏鮮花好何如葉可憐一日渡江團扇貴三春醜面豔歌傳丹成弄玉分飛雪曲就青琴得水仙生下阿侯方十五雒陽春色自來先

贈龐祖如

看君已過杖鄉年老大狂歌可似前殉國不隨師友盡居家徒作父兄賢休同謝客貪成佛莫學龐公愛坐禪兒女閨庭看漸長尚書多授伏生篇白頭不覺老丘園誰識襄陽一士元世作甘泉高弟子生為曲靖好曾孫遺書未少黃龍洞素業猶

多白苧村九十不妨還好學猗猗淇竹為君言

曾令

祖彌唐先生諱嵩年五十解曲靖太守印歸請為
湛甘泉弟子令祖嘉魚大令諱一德世其家學俱
有文集
行世

平生師友與君同白首無成愧義公血化不曾披宿艸心喪何處哭長虹門生嗚咽休吹笛弟子摧頽罷執弓野史相將多作傳兩家傳信表孤忠

贈墨西

姬人姓陸生于高要之布水村與端溪密邇予得之使朝夕在研之西磨墨供予揮灑因字之曰墨西為詩贈之得八首

香溪一片即端溪采得姬人字墨西水玉朝朝磨

削筍枴煙日日染柔莢教成小楷書難已催作新
詞唱未齊善品水巖諸甲乙青花白葉滿中閨
琉璃研匣鎮隨身墨愛君房古色新王勃三升頻
飲我青蓮百首每催人初來往往春葱破久立時
時翠黛顰日用一螺殊未足不曾渴筆致卿嗔
眞紫羊肝產峽山墨雲蒸潤火痕間磨礪一出黃
岡客洗濯頻勞白玉鬟小字每教呵氣寫大書常
恐白頭還夫人筆陣卿須熟格用簪花解玉顏
幸是眞巖發墨多纖纖莫損指紋螺思深稍待天
淵入紙落休驚風雨過暇卽雙鱸焚熟結閒須一
盞養春和如卿手爪今無幾才盡江郎奈若何

少小長齋繡佛前前身應是散花天毘邪一見全
無病居士相依祗爲禪每乞研金書梵唄時教潑
墨作雲煙爪痕多在曹娥帖紅染蠻花半鳳仙
居近羚羊峽口東蠻娘琢研是鄉風家家紫石爲
生計一一青花出女紅汝亦水巖眞暖玉多愁墨
瀋汚寒空輕磨莫令霑濡甚誤點屏間惑乃公
布水村連墨研沙眞巖得白女兒家蟾蜍滴滿三
春露翡翠牀開六代花弄粉沾書成垢膩分朱點
易出精華還將劍器增飛動艸聖從今益自誇
焦墨工爲五嶽看珊瑚架畔罷書時靈犀一點通
玄早綵鳳雙飛應兆遲結子天桃三歲好生華古

木一春宜同聲豔曲殷勤唱素女風流是我師

贈香東

予得姬人陸女字之曰墨西越數日復得東官
石氏女使之司香而字之曰香東爲詩贈之又
得八首

宣爐東畔暮還朝一氣窓間拂絳綃生熟水沉憐
血格陰陽火活恐煙焦莞中雖是香農女江畔難
將玉珮要得侍維摩真大幸一生心字佛前燒
絲藤五色作薰籠日焙春衣廢女工熟結浣將茶
小煖香魂煎取火微紅花開莫使雙煙近鶴降須
教一縷通收拾餘芬歸兩翅簷間么鳳與卿同

生長香田是馬岡時時作得女兒香盛來小盒瓊
瑤似染得空林蘭蕙芳酷烈不言油速好清甜每
覺鐵斑良黃沉日食知多少吐氣氤氳滿畫堂
鎮日盈盈棐几邊裙裾出入有餘煙含辭已似黃
馨吐取氣還將黑潤煎作配文人非豔福托胎香
國本真仙心花意蕊開須早證取圓通鼻觀禪
才名偏得鳳凰心肯卽雙雙果玉琴青鳥使來王
母國綠衣人出女香林袖中玉斗半脂滑牀上銅
鑪翠色深暇日每將黃熟揀珠蘭薰曬比兼金
綠珠自昔生南越碧玉絲來出小家典却寶書爲
玉帛迎來香室作煙霞青絲覆額如雲短翠暈拖

看半月斜十五有餘弦未下水輪一倍吐精華
爲情顛倒破瓜初冰雪蘭湯出浴餘子蕊半開紅
荳蔻娥光初吐玉蟾蜍粧成不許薰香坐繡罷頻
教執管書大小乳爐時拂拭心香吞吐病全除
花朝今日遣車迎畫扇開時似月明花向佳人分
巧笑鶯因公子弄春聲舊抄香乘文多誤新寫琴
心曲未成几席東西雙玉立鴛鴦折殺馬長卿

貞女篇

獨立佳人是北方堅貞不字處蘭房求仙未得真
簫史擇對惟希古孟光人羨玉臺辭賦美自憐丹
穴羽毛長時來屯女須婚媾咫尺高賢珠水旁

贈龐先生

兄事龐公亦有年相過長得拜牀前妻孥呼作厨
中黍龍鳳看畊壟上田水鏡笑談三國定鹿門耆
舊一人傳遺安自是君家法會有山民繼汝賢

呈張振六觀察

關中人

潁陽有客在金閨

謂李子天生

最說君家將相齊令子

雲雷先嶺外元侯帶礪首河西

尊公通侯

秦風雅有兼

葭慕楚澤無令蘭杜迷長憶三峰多氣象見公如
在率陽溪

兄弟秦詩奮夏聲塤箎吹出漢西京無雙已冠麒麟
胄第五還高驃騎名南海山川疆理早東田膏

澤夢魂傾主人身自爲張仲孝友誰淡飲御情
奉和張觀察惜分堂落成喜予見過之作卽
席次諸公韻

旌節初臨粵秀山長沙運甓每乘閒堂前日自羅
浮出檻外花從若木攀下士新陪裕塵話尚書舊
領竹林班賓筵燕喜當炎暑披拂清風未擬還

送潘次畊太史

鶯脰銀魚鱗紫鬚垂虹更有四腮鱸君歸正及秋
天爽人去應同夜月孤衆女自來讒宋玉使君今
復誤羅敷相如病免風流甚辭賦紛葩出酒壚
門外煙波卽洞庭船浮鴨嘴出空冥休將拙宦慚

漁父更把狂奴笑容星蕊紫秋來調玉鱠梅紅春
去醉香涇蛾眉揚罷愁鄰女未得相隨返翠屏

謂朱

竹

相見佗城識玉珂金裝未及陸生多紫雲割盡矜
羊石沉水薰餘孔雀羅越女自甘婚媾失明妃誰
奈畫圖何琵琶馬上紛無數出塞看伊逐紫駝
一雨江城暑氣消秋聲催客返蘭橈芙蓉越布貽
徐淑菴蓬蠻蔬得鮑焦輞水自多禪悅食東林還
把酒香招吳江楓葉題詩滿好託天風寄二樵

君長

佛齋學

杜鵑花

山花多似女兒裙，朵朵紅開躑躅雲。萬古春心傳
望帝，一叢清淚溼湘君。啼當五夜沉寒月，血染千
林映夕曛。雨過燕脂堆滿地，拾歸親浣作香墳。
上作啼鶻，下作花開時。紅映一山霞，心傷杜宇曾
爲帝。望斷蠶叢，尚有家點點。瓣中知古血，斑斑枝
上亦春華。長因謝豹多情甚，歲歲招魂向水涯。
子鵑魂半作花開，朵朵紅兼涕。淚催身化，只餘孤
卉在國。亾空有百禽哀，佳人不愛。因香少野老，何
心更拜來。自古重華多野處，龍魚有恨委蒿萊。

送孫少叅

翩翩旌節向金衢，良馬徘徊爲彼姝。香浦又添沉

水物，青鶯頻返夜光珠。三年德政同西蜀，五郡謳
歌是大夫。涕泣自知難借寇，裕臺趨送到南禺。

贈何東濱處士

素冠東出墓門遲，攀栢曾枯南北枝。烈父丹心包
馬革，慈姑白首事熊飴。書成但置杯圈側，養罷長
懸烏鳥私。宿艸一丘霜露徧，非寒亦覺思。凄其濱

尊人雲甲先生諱攀龍乙酉同史相國歿
事揚州母彭氏守節撫孤私謚貞毅孺人

遺腹孤兒屬羽林，漢家終報烈臣心。天哀孟母霜
幃苦地幸蘇卿，雪窖淡非族自知難。北面未歸誰
不作，南音蓼莪悲盡還。禾黍血淚終身灑，滿襟
歿事終軍正妙年。鬼雄邗上戰空天，招魂應葬梅

花嶺爲厲難歸白下田六尺遺孤哀汝在千秋繼
志讓誰賢三年墓左空啼血未許乘春化杜鵑
嵇康有母甚慈威教子山阿日采薇頤性自令高
士在潔身誰謂丈人非鹿逢甘艸頻鳴友蟬有高
梧欲罷飛忠養未能吾自愧艱難水菽與君違
依人卽是遠遊時兩鬢飄蕭喜未絲牧犢有兒應
不娶牽牛無女莫相思坐邊書帶多芳艸行處商
顏足紫芝不仕與君同苦節笑他嵇紹血淋漓
天寒共宿枕衾同骨肉交淡異姓中白首爭知添
歿友緇衣不必託生公吳戈遽棄憐而父殷社長
墟恨彼童話處斜陽頻慘淡忍將雙淚向西風

舟入新興江將訪柴子有作

不知江口水聲分舟入千巖只爲君春盡林香猶
作瘴雨餘山氣未成雲白魚捕處禽多翠甘艸銜
持鹿有群咫尺枯杉煙靄隔一峰長嘯萬峰聞

新興贈李大尹

廿四山開彩翠分城邊驚起鷓鴣群白雲不散惟
聽事明月相逢是使君漢代循良今復見新州煙
瘴昔曾聞文翁教化先求友座有相如挹素芬

送人還秣陵

莞江春色滿官衙三載笙歌擁絳紗詞客多情憐
玉樹將軍清嘯和金笳歸心忽動秦淮水去路遙

攀大庾花尊酒河橋相送送夢隨鴻雁到天涯

詠荆軻

荆卿西去不勝悲岐路蒼茫欲待誰
豎子地圖何不與漸離淒涼易水驅車日倉卒秦
王遠殿時劍術可憐疎未講精誠空有白虹知

呈蔣少叅

先公棠蔭留虞苑君復薇垣啓楚庭太史西臺多
正直諸侯南國有儀型光開心鏡惟珠海秀作文
峰是玉屏講學天關遺迹在須公更築見泉亭先

湛甘泉講學天關築有見泉亭

羊城秋日有作

炎天九月已狐裘南雪年來不待秋砧杵聲如光

祿塞牛羊氣似白登樓番禺山斷成天闕劉巖嘗鑿二山

以為雙闕日月泉乾失藥洲霸業已隨流水去花田一

片自風流

贈施少府

錢唐佳麗在才人別駕聲華動紫宸五嶺只今勞
五馬三城自此似三春應悲南庫惟珠海且喜東
籬有葛巾計畫軍儲多暇日相過詩句鬪清新

以東莞香根贈查二德尹有賦

香農種汝忌泥肥香在根株世所希一片肯教朱
火近雙煙嫌作紫霞飛芬馨未入嵇含狀黃熟難

隨陸賈歸贈爾如蘭克雜佩同心端在此輕微

送德尹之東莞

明發珊瑚洲甲水邊才華人羨汝翩翩采香莫問香
兒女中酒應知酒聖賢花萼舊多東莞迹令兄籍
莞竹枝重有寶安篇馬蹄地名金桔地名多生結盡解
相貽不用錢

壽李番禺

青蓮昔愛崔秋浦鮑靚今畱葛稚川清露自餐浮
嶠外白雲那到訟堂前難逢一代循良令欲獻長
生內外篇詞賦已光山水縣風流更有艸書傳

爲族父國子先生七十又一壽作

久謝瓊南苜蓿盤歸來黃菊滿園看二爲祭酒那
知老一作柴桑未到官佳節每忘秦伏臘野情多
在漢衣冠古稀誰道人生少更得期頤也不難
蟬多梧柳不驚飛鶴有煙霄自解歸酌酒頻成陶
令醉爲園久息丈人機餐餘白蝠能千歲種滿蒼
龍已十圍疏傅賜金姝未盡賓筵莫惜進甘肥
耳聾休嘆鹿皮翁肉角生時聽自聰菰米食甘何
用白芙蕖衣好不嫌紅能歌風雅惟三楚解注離
騷是八公分我枕中鴻寶術青絲丫髻兩還童

小除夕讌集張紫閣觀察署中同用杜少陵

秋興第五首韻

華燈一一似朝暉費盡明珠作九微銀管競從文
帥奪玉杯紛向酒龍飛葡萄點茗香頻至鸚鵡開
花影不違照映使君分歲席水仙無雪亦能肥

唐

宗嘗稱張曲江爲文中元
帥使君別號曲江故云

贈馬侯總戎

十乘元戎一等侯潮陽開鎮嶺東頭人歸玉帳多
龍戶世守金標復馬流自作饒歌師雅頌還將彤
管注春秋崧臺相見何曾晚並轡歡從暇日遊

綵花

佳人纖手卽東君剪出千葩似綵雲銜蘂燕來先
上鬢捎香蝶過早沾裙金錢競把年光買寶勝多

從宮女分灼灼椒花還有頌堂前三婦最芳芬
家家天女散花來天上人間一樣裁月令多從纖
手出春光先向剪刀開枝無南北寒齊發實有青
黃暖更催百福香奩紛上壽就中爭戴半紅梅

己巳元日作

六十年華又一新鶯花偏爲白頭春齊歸小玉焚
香女迭侍黃金鸞賦人桂酒香清難學釀鱗魚子
美易垂綸休耽著述當紅藥盡把韶光與四鄰
水仙白白映桃紅總與仙人玉貌同百萬珠從王
母擲三千花向歲星叢琴書膝下蘭芝女歌舞堂
前翡翠童一一瑤筐爭寶勝黃鶯紫燕髻鬟中

萊衣宮錦漢蒲桃髻側芙蓉映二毛親在未應稱
老大家貧那敢失清高雙雙花影隨龍杖一一鶯
聲勸玉醪堂上九旬看漸近遊仙且莫作盧敖
流年荏苒恨無聞六十還嗟未策勲好學祇應師
衛武與齡安敢望周文心同蕙草寒抽雪夢似梅
花暖作雲報答春光惟有醉一杯先去勸東君
六十齊頭鬢未華枯楊日夕吐春芽老須人作辟
寒玉愁待君爲含笑花樂府自矜三婦豔離騷誰
奪一人葩馬融經史慵親講未許諸生擁絳紗
賀正蘭已有餘馨人勝同簪出畫屏左氏二嬌初
共織劉殷七孺未分經林中細艸冰含綠屋外寒

山雪半青沙路盤迴疎竹裏何人知有子雲亭

又贈香丹

十六羅敷已嫁夫秦家樓上有卿無白州生女頻
歸石南海名娘半是珠短短蘭雲初覆額輕輕桃
雪欲凝膚前身定是收香鳥日夕沈穢滿繡襦
生長東官甲水濱珊瑚洲與綠蘿鄰女兒香肉從
無價上客琴心夙有因方朔俸錢多買笑信陵兵
法不謀身英雄氣爲紅顏短送老還須日飲醇

壽張侯提督

侯關中人

翩翩儒雅起邊州出入中朝將相優一代長城賢
父子千年封爵古公侯時平好緩黃河帶身逸須

垂太率旒三十登壇還介弟鷹揚人羨富春秋

玉杯篇 有序

汪栗亭自歙縣貽書屬予為其族父右湘作嘉
蓮詩二章右湘見詩歎賞以為在所徵同人百
餘篇之上謂昔黎美周以黃牡丹詩稱牡丹狀
元鄭超宗賚以金罍二器今屈子亦可稱嘉蓮
榜眼因以一玉杯自所居黃山之下阮溪四千
餘里貽予為壽予無以報之亦為之賦玉杯二
章云爾

牡丹詩好得金罍又賦嘉蓮致玉杯花國狀頭那
有兩香園詞客故多才春擎小婦連生菜日酌慈

姑汎落梅兒女參差爭上壽芙蓉並蒂祝重開

有水香園嘉蓮實產其中

羊脂漢玉作深杯雙耳雕成壽字來高士過看三
笑合美人持贈四愁開白虹氣自朱唇出金液光
從素手迴不是嘉蓮爭有此芙蓉解作鳳凰媒

玉氣如白虹

送姚君之官貴縣丞

左江西上即潯中貴縣東屏邕管雄人雜獐狼蠻
語亂地多粳稻估船通門高不惜烏衣貴官小偏
安柳下工水接夜郎愁瘴毒斨珠多采伏波宮
崧臺薄暮盡離觴帆指潯梧去渺茫令子相從師

政事故人持贈是循良烏蠻灘口當城出交趾江
關接縣長他邑莫辭頻攝令春行一日即甘棠

峽裏

峽裏千峰似堵墻時時陰雨見羶羊雙江吐納桃
溪口一水滌洄蕉利鄉潮到蒼梧鹹味薄春歸員
屋石花香鷓鴣知是多情者日日催歸使斷腸
棧道盤迴出萬峰千金鑿破幾芙蓉心悲化石秦
時女淚灑啼猿漢代松巖際海棠終歲見林邊山
翠有時逢斜陽野戍休催泊乘月思尋峽口鐘

鳥名

無題

媛老雙雙燕玉同况多沈水麝熏籠馬纓蝴蝶粧
都好鶯粟櫻桃笑總工春色全歸朱閣裏輕寒半
入玉杯中紫烟不斷香狼藉曲曲雲屏隔盡風

蝴蝶二粧名

紅梅

生當屋角恨多陰幾朶微紅半吐心暖處易香嫌
日薄寒時難落怕風淡休教摘去圍雲髻且使移
來傍玉琴小小相思憐不啄枝間久立忽穿林

鳥名

菜猗亭次張觀察韻

使君才藻見聲詩公暇揮毫向曲池吐綬文禽花

暖處曬珠瓊蚌月晴時冬開最喜梅枝早夏熟多
愁荔子遲野客相過情不厭笑傾金屈酒盈卮

奉和張紫閣觀察己巳元日書懷之作次韻

使君三閣啓雲扉一別終南志未違揚越諸侯推

獨坐商顏四老待相依開年柏葉春同暖隔歲梅

花晚不肥元日書王存艸野春秋長恐史臣非終南

有黃白
紫三閣

遠公貽我蓮種賦此答之

白蓮本是遠公物分我池中藕數枝預擬花開成
菡萏恰當酒熟有醪醅淤泥欲淺教行笋雨水休
淡恐爛絲但得田田南北滿葉香卽與美人期

送程相音返關中爲尊人樸菴先生壽

秋風首路出臺關西指秦中一騎還南海珠歸文
筆裏羅浮花在綵衣間壺觴晚就軒轅觀射獵朝
過役禰山堂上知君尊老健桃紅不及歲星顏程富

平人

一樽相送五仙城鴻雁南來爾北征越鳥解催歸
計早嶺梅不笑客裝輕秦多氣槩詩無敵漢少關
河事已平舉下故人知好在教同葛氏記西京

寄富平李子德

聞君養疾事丹砂焚却銀魚鬢有華弘景辭官猶
宰相田駢不宦似鄰家漆沮水滿浮魚笱役禰雲

淡擁鹿車知道扶風時講授門墻不少是侯芭
別離長憶十年情出處同高一代名四皓暫爲秦
博士五經終作漢康成家臨北地元天府人在西
方是帝京河舉幾時重握手尊開石凍話生平

寄舉陰王山史

都門一別廿餘霜兩地幽居白髮長皇甫首裁巢
父傳孔明惟拜鹿門牀夢隨秋月過西嶽愁作春
雲黯渭陽堅臥未教猿鶴笑書傳却聘有餘芳
獨鶴亭西下榻時風流儒雅互相師王家墨妙仙
靈授劉氏文心父子知螺老不曾珠子少竹枯未
見籀龍遲頻同玉女持漿去南至羅浮詎有期

君年

六十餘連
舉二子

寄舉陰王伯佐

是山史
之子

君昔西歸未送君離心飛逐舉山雲大家詞賦人
難及名父風流子易分消渴尚多松檜露微官未
愧鹿麝羣重來嶺海知無日尊酒依依憶論文
枉駕雲林愛汝賢貧家雞黍及賓先三秦羌弋須
王猛五嶺神仙屬稚川淵靜益深多病後飛騰長
憶未衰前西飛幾夕尋君夢繚繞三峰紫翠邊

大樹軒詩爲吳副戎作

漢家大樹屬將軍細葉榕陰鬱似雲幕府開當蘿
薜影鏡歌吹起羽毛羣驚鸞書就仍無敵猛虎篇

成已策勳作鎮崧臺多紫研青天割得肯相分
張餘菴先生年六十有九七十有七八十八
十有四時皆生一子今已已八十有五矣詩
以壽之

老蚌偏於珠子宜七旬生到九旬時張蒼日日餐
香乳方朔年年娶小姬幾樹白華芳子舍一羣雛
鳳引孫枝真仙咫尺須瞻拜肉角峩峩復秀眉

自蒲澗入濂泉寺作

陰陰灌木夾山蹊入石穿泉路易迷虎去未寒苔
上跡蟬來忽斷竹間嘶蒲根可食因多節葉背堪
書爲少泥不雨水簾成滴瀝夢魂清絕寺樓西

送姜克猶歸山陰

深秋豈是送君時落葉哀蟬悲復悲青歲自憐多
獨往白頭人恨少相知風流南國無詞客秀麗西
家有美施爲向若耶溪上問蒼蒼苔色幾人思
握手佗城恨太遲平生吳越罕相知故人東市多
中散知己遼陽有子期爾向雲門披宿草予從珠
浦薦江蘼姜家大被應無恙爲致殷勤雨雪時

贈黃叟逸閒

八旬有二鬢如絲見我能文十四時天爲無書留
古老人因有道得期頤山蟬夜咽寒泉響海鶴秋
高白露姿拾穗相隨吾未厭西郊煙水歲寒宜

贈小妓鳳求

小楷鍾王解畫沙衛夫人法使紛葩五年孔雀頻
成尾三歲夭桃已作花蘇小心將芳草結薛濤詩
向錦江誇大娘劍器看他舞六艸三真更到家

南城眺望有作

帆拂城墻影不遲海風吹亂颺潮時樓飛似挾蛟
龍氣笛奏休驚雁鷺池上下巡鹽勤白打東西抽
貨苦波斯江魚價賤金錢貴疾苦炎州只自知
日斜愁見斷頭虹颺母來時尚練風海底魚龍喧
夜市潮頭宮闕起秋空鹽燒積雪千田白花吐攀
枝十里紅大小虎門多戍卒莫令洋寇勢相通

汪子栗亭右湘吳子綺園屬山僧師古畫黃

山冊子寄予為六十壽詩以酬之

黃山黃海白雲開畫取芙蓉六六來三道天門三
瀑布一枝石笋一丹臺煙霞作壽憑仙筆嶽瀆難
生是逸才知爾竹林相待久會將舟向阮溪迴
復見風流二阮來思君數把畫圖開炎方山水無
黃海太古衣裳有老萊綠髓祇須餐石髓丹臺不
用寫雲臺含毫更為添三笑白首溪橋泥飲迴
一松繚繞一芙蓉松似藤蘿不似松偃蓋倒生多
至地飛枝斜出亦成峰雲林掩映皆巢鶴石笋參
差是籀龍多謝山僧能畫得蒼髯巧作老人容

只見僧繇畫作龍何曾韋偃寫成松因生石上能
千歲要向雲間化一峰白嶽遲分天子種黃山早
定老人宗兔絲千尺牽魂夢何日身披紫翠重

汪右湘以銀卮爲壽詩以酬之

汪倫最愛酒仙人金屈相貽酌老春形似海棠香
朶大色宜秋露白光新獨清未敢長中聖難老惟
須善葆真知爾踏歌情不淺欲將潭水變芳醇
徽州螺鈿酒杯輕偏寄烏銀接紫瓊日出一雙飛
在手風流千載飲知名墨煙兼惠分兒女膠漆頻
忘是友生歲歲有書還唱和天涯咫尺枕中行

奉答汪于鼎贈予六十歲之作

白頭頻得故人憐惠寄詩歌祝大年萊子妻存難
作相蘇耽母在不登仙六旬有耳師尼父八十無
心待渭川生日劬勞空涕淚未知何以報穹天
墨香分惠小郎宜未學猶慚最老師蝴蝶豈應稱
鳳子螺螯那得號珠兒九旬玉杖爭扶日兩代斑
衣賽舞時但使閨庭多樂事浮雲富貴不須期
嶺海相期又十霜無因笑語鬱川陽玉勾白可分
兄弟姑射何須應帝王瀑裏雲門三洞小甌中石
筭一天長何時邂逅虬山麓並坐談經花滿牀

答吳綺園長歌爲予六十壽之作

長句相貽及賤辰山東李白鬪清新能忘老大交

初篤雅有文章道不貧百幅兼將雲母粉十螺仍
致墨花春弟兄愛我推吳氏歲歲音書託錦鱗

答洪雨平待臣

兄弟見壽之作

終年痛飲酒家鄰忽忽悲歌到六旬豁達豈期青
歲客沉冥偏愛白頭人老龍未得狂言盡雛鳳難
當妙響新兄弟參差三石筍黃山削出總嶙峋

答黃扶孟

新安耆舊在人間不住黃山住白山司馬已能千
賦熟大春那得五經閒喬松自愛龍鱗老衰鳳誰
慚雉子斑念我白頭依膝下賦詩頻寄臥雲關
與君心結廿年知刪述垂名歲月遲太白狂歌人

欲殺少陵儒雅自能師長生但向文章得不死何
須藥餌持待我雲峰三十六饑來亦復一茹芝

喜謝修五歸自高涼

久戍高涼宦未成悲歌日日答猿聲炎天少雪頭
難白瘴海多雷夢易驚家在長干迷去馬歸乘春
色聽流鶯新詩字字干將似一片寒光照不平

寄懷施虹玉

白門分手十餘霜不見雙魚別思長三易早明黃
氏學一丘長守考亭鄉商歌日夕流金石漢臘春
秋泣豆觴友教肯來南越否爲君先掃讀書牀

寄懷閔賓連

君撰黃山志

山經著就軒轅嶽不逐浮丘去學仙白首圖書消
日月紫微文字富霞煙鄣開自得三天子雲臥誰
爭一大年久別星霜知幾易音書難到石堂前

答修五見贈香杯

久嫌金屈雙擎重最愛香雕獨酌輕生結但知油
速好清芬不辯水沉名瓊南買得從黎峒海外持
來到越城開取漆箱頻贈我待將樽酒答秋清

呈武番禺

天水雄才六郡高早年頻佩呂虔刀來臨百粵多
膏澤坐擁三城失海濤秦地風詩還駟馭楚臣苗
裔亦離騷殷勤禮數能忘分日侍神明敢告勞

從澹翁乞蘭

新分蘭本滿庭開種自增城白水臺自是丈人能
灌溉誰言女子好栽培花宜香柚多陰處根喜膏
泥半熟來肯惠一盤頻割愛將憑詩句報瓊瑰

蘭男子樹
不芳

爲張憲使壽

九月新寒上繡裳炎方易作使君霜茱萸煖壽多
蠻酒茉莉清心滿越香姬旦少男惟孝友康公賢
胄更文章東郊南海能爲政平格他年總未央

姬人新製琴囊贈以詩

每惜蛛絲十指縈琴囊借得自瓊瓊外鋪古錦鴛

翁山詩外
卷一
鴛厚中襯文綾蛺蝶輕鳳尾稍寬愁更剪螺紋微
損恨難成休教粉壁時時掛懶作幽蘭積雪聲

白鷺潭眺望

半空波撼越王臺秋水含煙晝不開海雨忽將山
雨去新潮頻截舊潮來風吹島嶼隨龍氣月引樓
船逐蚌胎南出虎門天險失諸尺咫尺二洋廻
暮天風雨白鷺浮險絕三江此倒流珠海月開龍
女帝玉山霞起蜃王樓人煙掩映枕椰嶼漁火虛
無茉莉洲幾欲飄洋過日本白艚東作百蠻遊
五仙樓出五羊城東盡扶胥一日程海道多岐那
得問江門有戍未爲兵諸番與我分全險十郡憑

誰舉大名直抵金陵舟楫便孫盧往事足心驚
番禺山抱越華樓勢似長城控鬱洲偏霸未分東
井氣雄圖頻逐大江流抄關使者三門海進貢番
人萬里舟舶口至今壕鏡失西洋端恐有陰謀
秋色蒼茫入鬢蓬潮雞喚起越王宮龍噓一氣江
天失鱗食三秋水國空月下烹魚催婦子雲邊射
雁戒兒童蘆花宿處無人覺跳白船輕任海風

賦得六句猶健亦天憐

白樂天句

年高但願似慈親白首長爲膝下人六十未同蘧
瑗化九旬應返子桑真方剛帝與經營力未老天
留問學身菘竹詩篇教日誦莫辭圭璧琢磨新

黔婁未老已甘貧
萊子初衰始煖人
婚嫁少完須
大耄酥醪多酌望
長春先寒塞雁銜
霜苦欲曙天
雞喚日新蓬
鬢不勞青女點
蕙心方與翠娥親

送人之延綏

延綏此去謁將軍
市口西驅馬幾羣
地近鹽池多渴水
天合沙磧一愁雲
赫連山勢榆臺合
無定河聲固水分
紫兔黃羊紅黍酒
醉來笳鼓不曾聞
風吹沙縐作龍鱗
沙柳煙含霧柳春
耕少家家惟黑黍
戰餘處處有青燐
受降未拓三城舊
互市頻開萬帳新
茶布好從蒙古易
紫貂銀鼠莫辭貧
水到邊頭海子多
雨餘飲馬兔毛河
風寒有酒圍

黃鼠雪凍無衣擁
紫駝紅石飛流銀
甲洗黑山斷碣
寶刀磨邊人只解
從軍樂戰罷琵琶
唱鹵歌欸貢樓當
馬市開羊絨鼈尾
總馱來關城曲曲
河爲套烽埃山山
石作臺柏葉柳毛
春戴罷沙葱地
輭暮收迴茶煙稅
薄堪行賈博取葎
貂亦見才

賦得搖落深知宋玉悲

無端宋玉始悲秋
蕭瑟長令異代愁
楚國大夫多麗則
湘纍弟子更風流
美人不向離騷取
神女頻從夢寐求
詞客最知搖落早
况聞猿嘯滿林丘
蕭條艸木變衰時
秋氣悲哉汝更悲
感夢空勞天帝女
招魂不返水仙師
三閭哀怨多高弟
南楚荒

淫總寓辭我亦狎狂能諷諫多慚山鬼善相思
天生芳艸作衣裳詞賦還爭日月光楚水蘭蓀從
此盛巫山雲雨至今香三閭尸諫因同姓千載魂
歸爲哲王辛苦大夫歌九變沈寥天氣感瀟湘
一代離憂寫未央無窮芳艸在文章騷經自可爲
詩傳逐客繇來是楚狂風雅再教高弟變童蒙先
拾大夫香大招亦解驚魂魄豈似悲秋易斷腸
秭歸鄉裏滿梧楸宋玉悲深此地秋榭影依依漁
父在砧聲隱隱女嬃留淚成玉米田何處身別龍
門夏已丘臨水登山歸莫送汨羅南望斷離愁
風高氣肅水泉清僚慄增人志不平海燕翩翩頻
失影山蟬咽咽早無聲生悲楚地元多怨死恨秋
天不肯明白作招辭騷一變江南哀罷有餘情
蕭蕭秋氣滿楓林一片離憂託素琴好色只知神
女麗微辭難得大夫深玉釵羅袖徒爲爾秋竹幽
蘭不忍侵笑爲君王陳諷賦與師芳潔有同心
自來南楚好才華祖述風騷始宋家漁父歌聲同
縹緲接輿辭采共紛葩湘江水冷長含雪巫峽山
多易變霞一自悲秋成九辯至今哀怨滿星沙

過馬佐領克起粵秀山房賦贈

一峰飛向穗城頭下有書堂傍藥洲
驃騎不會躑躅鞠征南祗愛注春秋
朝臺古木穿雲上越井寒

泉抱石流多種芭蕉無暑入相將壺矢綠陰留
玉山南枕艸堂偏門出呼鑿古道邊九眼泉華朝
吐雪五層樓影暮含煙芙蓉秋到惟知醉楊柳春
來只解眠笑道將軍詩總好辭塲戰勝勢無前

示羅

豈是羅敷定婉羅秦家好女共娥娥舊書紈扇辭
還少新學瑤琴曲未多香髮似雲休用髭玉顏如
酒不須醄黃花不忍簪雙朶日夕東籬拂翠蘿
架筆珊瑚玉作牀水巖真研墨凝香箋花字字曹
娥小繪竹枝枝趙管長粉鏡弄餘嫌日短衣砧擣
罷喜秋涼小姑吟諷能相伴日夕葩經在繡筐

食菊

白苦黃甘早已知生餐好及歲寒時落英不落真
惟汝香國無香總在茲瘴地豈愁南雪食炎天那
得早霜欺朝朝采摘當籬落未有忘憂酒滿卮
食盡枝枝白與黃鮑焦蔬好讓芬芳終年灌溉圖
秋飽最早栽培爲晚香味苦不妨蟲蟻避影孤那
代李桃僵梅花至日勞相伴佳色參差映壽陽
烹淪甘酸任意餐仙人服食不曾難芝華豈是療
饑物菊蘂絲來久視丹九日色同高士醉三秋香
爲逐臣寒芙蓉墜露長兼飲高潔如蟬取自歡
己巳臘月十三日家慈大人八十有六生日

恭賦

八旬有六老親年杖國嬰兒在膝前孝子身終須
大耋貧家養薄只荒田諸孫酒饌爭擎案三婦衣
裙競上箋乞取桃花向王母更分長壽小銀錢
麻姑白髮七朝身帶閨參差已九旬門下三千醜
酒客堂前六十弄雛人紛紛髮鬢教扶手一一酥
醪要入唇孩笑未知吾老大萊妻少艾亦忘貧
家貧謀食計元疎日日妻孥作白魚養志已成高
尚士娛親更著外家書白頭多事惟調藥青歲無
才枉斷裾漢代孫嵩吾得似康寧有母百齡餘魚白

卽蠹魚也

己巳歲除作

避地飄搖未定棲貧家骨肉滿中閨去年左氏三
媛在明歲商瞿五子齊梅實早從冬至結鶯雛休
待立春啼街頭花勝無錢買黃口牽衣向小妻有

三女今夏喪其小者阿端

春來依舊未陽和生事蕭條罷嘯歌孺仲妻孥花
絮少韓康母子藥丸多梅葩似雪嫌紅甚艸色如
煙奈綠何歲暮苦寒暄暖日更無名酒使顏酡
未辦肴蔬守歲盤小除兒女有餘歡東風向臘頻
開凍朔雪含春不作寒碧玉甘貧能啜菽青琴善
病未徵蘭蓬門不識年光早剪綵鶯花夢裏看

示姬人

紅粉春當冰雪容看如桃杏倚寒松夢吞南海初
圓月歡得公沙第六龍中饋祇知馨夕膳女紅惟
有佐晨春菜妻未老能恩汝逮下螽斯是禮宗
白華無欲益芬香六十年華又一霜居士未霑紅
菡萏丈人已足紫鴛鴦看開五嶽雙蛾秀掌出三
珠一樹香恭敬好同裘褐婦先將甘脆進高堂居士
句謂維摩天
花不著也
當酒珠釵久未還山葩占斷綠雲鬢三春大婦蠶
桑裏百歲威姑几杖間么鳳香收雙翅滿鬱雞花
點一身斑織蒲愧我傷仁甚日暖風和總不開

庚午元日作

銀燭高含曙色光天雞聲裏見東皇乾坤未毀終
開闢日月方新尚混茫兒女參差從小起杯盤次
第進椒香欣欣舉壽慈顏喜有道曾孫滿北堂
歲朝頻獻萬年觴令節三元此日長夜半已知周
正朔年深猶記魯春王白頭金勝來瑤水素手椒
花出洞房作頌更同劉氏婦慈容相映有餘光
鶯向開元已弄歌風光一倍在巖阿萱花日暖幽
香滿樛木春深茂蔭多紅恨櫻桃頻作子青憐楊
柳欲侵蛾雙成萼綠東西侍王母偏憐是婉羅

最
小
女
名
婉
羅

小大同歡及上春蓬門雙帖畫雞辰湔裳士女非
荆俗戲水魚龍是漢人耳順過年方一日家貧遇
食未三旬憑將嘯詠除衰老莫負開雲令節新

於庚午

籠蔥得到杖朝無日日閨庭卽玉壺方朔未衰頻
仰乳老萊猶穉更將雛饑同食字神仙蠹凍似啼
霜子母烏一片春暉那媚得油油草色羨薜蘿
庚午重爲墮地人愁逢烈帝第三春生從十五
無君父罪有三千是子臣一日雞豚猶逮母平生
犬馬未違親早孤少得先公教報答慈威恨不辰

庚午崇禎三年

送人入巫峽

看殺芙蓉十二圖黃牛朝暮一人孤生當絕峽誰
求女化作名峰亦望夫辭賦不愁遷客少夢魂得
似楚王無香溪更與高唐接莫弔明妃淚似珠

十一二峯首飛鳳次望夫

送人往長白

長白山當寧古西秋深雪壓一天低泉飛早作三
江大雲起時將萬木齊寒射驪貂弓力勁晚呼馳
鹿角聲淒仙靈定指多葭處五葉三稜采不迷
天將長白作長城東界龍荒接北平萬里沙含黃
雪影半空風亂黑松聲魚皮衣服關前部鷗羽穹

廬島上兵汝向林間尋楛矢射生知有野人迎
過林子本茅艸堂奉答見贈之作

城東勝地是長塘汝作松坡一艸堂蘭蕙不教花
箭少荼蘼肯任露華香依依白首惟春色隱隱南
朝祗夕陽念我多情同庾信平生蕭瑟在辭章
開徑相招喜地偏因君來枕素琴眠黃花有節忘
甘苦白酒無心問聖賢山色每含朝雨冷海光時
奪暮霞妍貧中自得新詩贈不覺蠲愁涕淚邊

杜鵑花

杜鵑開及杜鵑啼朶朶猩紅踏作泥望帝春心煙
雨外蠶叢故國夕陽西將歸有客愁三峽再拜何
人憶五溪血灑至今花瓣溼鶯銜不忍過香閨

三水舟中

青山一路翠沉浮雨過潮生競放舟賀水東趨西
水去綏江南入北江流半天花發斑枝樹三月紅
開荔子洲昨夜黃魚隨電至野人拋網徧沙頭

代呈某觀察

新開憲府尉佗宮三郡宣威露冕中南國總教陰
雨遍東方元與歲星同干旌自可來姝子風雅誰
當和召公燈火滿城歡士女爲君歌舞袞衣風

集梁季子齋分賦得魚字

故人有弟鳳城居門外寒塘洗藥餘苔色冷含丹

嶂影花光晴出綠天書香鱒正美櫻桃頰紫荔兼
來翡翠墟語我甘灘垂釣好潮平潮落總多魚

席上賦得甘灘鱒魚限魚字

甘灘最好是鱒魚海日山前味不如絲網肯教鱗
片損玉盤那得鱠香餘多慚食飫先王母敢恨嘗
新後老漁四月金錢人競擲未應黃頰當園蔬
灘下肥過灘上魚罨中潑刺泝流初水鱗觸損烹
無及玉筋殷勤食有餘三月亂隨西水下九江爭
向北山漁嘉名更得三來好爲惜膏流作網疎

鱒魚以罨取之灘下鱒魚以大網取之罨小一罨
僅得鱒魚一尾以灘小不能容大網也九江堡名
海日山一名偶山在九江堡江中最多鱒魚然其
美稍遜甘灘鱒魚一名三來言以三月而來也

爲陳封翁八十壽

青絲角髻貌如桃桃得綏山已足豪卞氏六龍忠
自教淮南一老節誰高含精白兔依神藥飲乳仙
人代玉醪黃髮不須憂國計豕君啓事有山濤

爲九十有一歲黎門陳節母壽

六十三年失故雄吾家壽母亦相同九旬又得春
秋一百歲長居燕喜中黃鵠貞良如魯女白華芳
潔有孫嵩天憐守義教難老紺髮垂芬入管彤

秋雨

瀟瀟半在夢魂中爽氣吹來不待風搖落未應悲
澧浦蕭條且喜到梧宮香開夜合花爭白色亂朝

霞葉欲紅溼盡葛衣涼欲透一尊須向畫欄東

贈同庚叟

陰陰萸荔兩村連鄉里衣冠愛汝賢與我同生
光廟後無人獨在上皇前陶公親戚多情話白傅
耆英少昔年難老不妨耽飲酒相過時醉綬桃邊

贈家將軍

吾家一派在遼東世世蒙恩作總戎子姓有君承
將畧威名此日掃蠻風石城笳吹三秋咽炎海樓
船萬里空念是連枝歡不淺經過頻駐玉花驄

壽龔給諫母蘇太夫人

令子循良擢瑣闈斑衣恩賜五時衣辭朝暫與鶴

鸞別拜母頻爲鴻鵠飛諫果秋含朱實大慈萱春
映白華肥黃門獻納相須甚早奉宣文向紫微

答姚叔煙

晞髮曾攀落雁臺朝從玉女洗頭來金天肅殺三
峯出玉井清泠一鏡開白帝宮前逢賦客

王山史蒼

龍嶺上把離杯狂歌道我時時醉舞向仙人掌上

迴

燕市悲歌落日昏故人

陸冰修

相見念丘樊無情沮

溺終忘世有恨屠沽未報恩鴻雁暖先南雪到牛
羊寒作朔雲屯籬間紫菊能過賞爲爾殷勤具綠
尊

贈增城冉明府

咫尺羅浮兩縣分，增城煙雨博羅雲。
重來鮑靚三千歲，復治朱明四百君。
白水化將膏澤下，桃花吹作杜蘭薰。
春臺只在春岡曲，父老仁聲處處聞。

有瀑布名曰白水

贈前裕溪張明府

時在增城幕

秋色淒清白露前，知君拄笏鳳臺煙。
浮山來作羅山客，葛令行同鮑令仙。
生日登高逢令節，平時止酒足新篇。
淵明白昔憐重九，采采黃華復汝賢。

重至何仙姑壇作

逍遙愛向女仙壇，玉井真同舉頂看。
氣湧天花三

竇小光含雲母一泓寒，無煩冰雪求姑射。
解飲清泠卽大丹，素縷金瓶爭汲取。
莓苔休滑碧欄杆，蓬瀛只在相江濬。
羽化雲含少女姿，石鼓虛無被髮影。
玉盆蕩漾洗頭時，無多水碧金膏訣。
絕妙芙蓉白雪辭，終古仙靈多閒寂。
笑他香雨逐瑤姬，鳳子初生卽羽翰。
龍孫未老已檀欒，月中自解飛金鏡。
天上何勞墜玉棺，萼綠早歸瑤水去。
麻姑時上石樓看阿瓊，漫把簫聲寄吹徹。
籠篋夜夜寒瑤壇，東北是羅浮仙女殷。
勤爲二樓飛雪不教蕭史贈采珠，那與宓妃遊。
紛紛作使來么鳳，一一翻飛向藥洲。
輕舉只須能服食，羽人何必問丹丘。

少好仙顏旭日紅丹成早遣密香通龜臺太妙依
尊母鳳笈青真掌小童故宅秋餘金井月荒臺夜
引玉簫風自慙玉斧猶尸濁未得攀鸞上碧空

增城萬壽寺乞取丫蘭之作

僧多蘭蕙作花師乞取離騷第一枝葉短花長爭
尺寸春黃秋紫間參差焦岡樹色含霜早丹井泉
香出雪遲莫笑湘纍哀窈窕頻來只住女仙祠兩子

至增城皆寓何仙姑壇側

丹丘白水勝瀟湘最產丫蘭莖葉長有地欲求香
祖種無金柱入女花鄉皆知服媚尊王者更善栽
培出上方及此秋分分數本爭貽野客作歸裝蘭為

香祖一名女花增城人以種丫蘭為業非兼金不售

送李浣廬使君之湖北方伯任

三年聽訟已神明愛士風流更擅名齊相最能知
石父魯人那得日荆卿頻為岳牧過南楚遂使臺
門隔玉京一片恩波珠浦水中含鮫淚送公行
高義雲天世所希殷勤解網鳳銜飛青蓮自得汾
陽愛白屋惟將公旦歸師保炎方長服德藩屏楚
國更宣威袞衣不為東人處盼望遵鴻淚欲揮

庚午季秋六十有一歲生日作

婆娑膝下舞衣廻老子還童作少萊尊母九旬顏
並駐烈皇三祀曆重開予生崇禎三年芝華總作西王

養萼綠全充侍女才鴻鵠翩翩需羽翼商顏莫使
子房來

六十嬰孩九十親殷勤阿母與長春生兒幸匪神
仙子養老歡餘潔白身朔雁偏知霜信早涼蟬更
得露華新還遲四日方重九且撥秋英滿飲醇
年來益作古沉冥亦學鯨魚吸巨溟地有醉鄉畱
老大天生酒德與仙靈江城遠映魚雲白海閣高
含蜃氣青童稚滿前爭上蓋二豪在側似螟蛉
夢寐羲皇獨旦人弱年時已作遺民先生何許知
元亮男子其誰是富春初度只今忘甲子嘉名在
昔愛庚寅楚丘方少多神智未欲人稱踰六旬

奉和惠州王太守除夕禱感次韻

露冕朱轡出惠陽行春處處動如傷白華篇裏懷
尊老碧玉琴中見古王已有兩岐開秀麥更餘一
浦作沉香休驚四十專城晚守歲湖山且一觴
旌節南來萬里遙羅浮仙客夢相招袁宏山疏多
靈祕鮑靚丹房未次寥地有朱明開洞府天餘白
首在簞瓢思同玉女隨雙燕莫笑麻姑髮至腰
送人歸吳興拜母

菴畫帆歸幸未遲高堂相見妙顏怡庭開蛺蝶仙
靈扇戶拂蠨蛸子母絲服賈休爲南海客求仙已
得葛洪師采蘭朝夕兼魴鯉莫但清齋白首時

前制府吳公以生日往羅浮山賦此寄壽
浮丘已作謝公墩復把羅浮當漆園蝴蝶未過仙
客洞梅花先向美人村八年節鉞宣猷苦一日壺
觴養拙尊好著稚川篇內外矐真天裏得真源
生朝競望老人峯天壽還應格九重且復浮沉珠
海日何妨上下玉淵龍心開瀑布三千鏡夢落芙
蓉四百鐘賭墅只今須太傅肯教巖壑得從容

陳守戎招飲同王陳二君分賦

芙蓉結子水蕉開照客何須火鳳來白日畱人雙
玉貌長星奉汝一金杯孫單定有餅侯賞都尉休
虛劔客才賓主孤兒憐好在相逢不用哭龍堆

庚午臘月丙寅舉第五子阿需值 慈大人

八十有七生日喜賦

又舉商瞿第五兒方開大母壽筵時婆孫共物齡
應與父子同庚命可知朔雪不須迎臘早南風好
爲送年遲梅花笑向高堂道雛鳳生多鳳未衰
豚兒天易與貧家老蚌多珠未足誇五子已能如
栗里六龍應得似公沙三年結實桃方少七十生
稊柳更華分授劉殷經各一儘教兒女作侯芭
鏡裏微霜兩鬢侵庭闈婉變老逾深六旬單豹嬰
兒色五十重華孺子心花燕教雛長繞戶籜龍齊
母每穿林今朝又應熊羆兆夾室嗶嗶有泣音

三舉曾孫又一孫一年嘉慶集慈尊麻姑煉黍成
珠易阿母栽桃結子繁九歲應求王氏嗜百齡未
畢尚平婚呱呱最是忘憂物況復蘭房滿樹萱今歲
仲弟之子明同舉一子其陳氏女舉一子
季妹之張氏女舉一子故云三舉曾孫

送王礎塵之贛州

白頭吾友漸無人君去臺關失所親歸雁聲催南
海節落梅香待建安巾雲中冒頓頻乘月雪裏花
門未動塵到日鬱孤當小歲羊裘先得漢家春
新春章貢莫淹畱亦向中原作遠游黃帝豈從狂
屈問真人應向野王求絳衣日照長無夜白髮風
吹更不秋書信早傳南越客相思一慰鷓鴣愁

內子季劉以歲除生日承王君礎塵賦詩見
貺率次元韻奉答

令嫺生向歲除時正值瑤林雪滿枝早得雙珠歸
鳳掌長描五嶽在蛾眉千金未作編蒲笑一日從
無采葛思與妾糟糠俱不厭典釵方取酒盈卮
能生梁女惟西粵解配徐卿必季劉螺黛香分鸚
鵡研牛衣暖作驢驢裘桑林莫祝蠶雙繭梅上休
饑子七鳩歲歲壽杯連守歲先春一日勝先秋梁氏

綠珠生博白季劉
生昭平故云西粵

辛未元日作

衣冠元會繞君姑歡笑庭闈好盡娛男女尸鳩新

七子弟兄荆樹老三株宜春帖戴連金勝長命杯
浮點玉酥膝下盤旋雖甚健未容西去挽天弧
六旬有二據鞍年窮苦真能老益堅白帝自辭都
布後赤家誰奮大冠前夢腰銀艾長垂地思作金
標更柱天未許稱翁當此日英齡高密正齊肩
兒女雍和滿內庭綵衣嬉戲卽仙靈秦家弄玉餘
雙月竇氏聯珠且五星瑤艸先春含雪豔銀花不
夜吐煙馨桃湯獻罷催桃葉天姥扶將下幔亭
去臘陰寒失物華南中盡道似邊沙未知素雪非
冰凍却把紅梅當杏花獻歲啼鶯纔一樹開春落
葉尚千家高堂早起當窓數六萼參差吐蜀茶

上日裁詩興有餘一年花發綵毫初身當軟節同
眠柳貌值靈春似立蕖胡廣親傍無几杖陶潛人
外祗琴書甘貧最易康寧得樂在簞瓢敢不如
昔類紅蓮今白華未慙明鏡尚含葩還童豈必驚
淮苑祭酒應能壯漢家違雪鴈猶依海嶼負冰魚
已上湖沙風光先向騷人發多作瑤箋染綺霞

花朝讌集湯氏園亭作

緋桃掩映畫橋東春到花朝影盡紅作暖池塘初
有雨吹寒楊柳只多風流鶯一一笙歌裏戲蝶紛
紛士女中但使主人能愛客名園易與辟疆同
仲夏燕集黃氏柳橋精舍同用弧字

鳴蟬一一在高梧含吐涼颼響不孤煙水人同鳧
藻得風流地似柳橋無酒因伏日調冰液花爲炎
天隱玉壺瓜李且爲河朔會秋深行欲挽天弧

立秋後一日崔氏樓雨望

秋來一日卽霜天細雨生寒盡作煙海氣不分平
野外山光如在夕陽前穿簾乍入蕭蕭葉繞樹長
嘶咽咽蟬樓好欲當明月立催人何處暮鐘傳

壽南雄太守母夫人

太守舊稱崔實母大夫今亦五原同神明本自傳
師氏清靜何煩友蓋公夕膳親調朱萼雪春行人
沐赤棠風天南德教臺關始十郡慈光望不窮

七夕詠牛女

蛾眉光出絳河分掩映明霞織女裙不作蟾蜍飛
入月長勞烏鵲結成雲花鍼處處抽紅縷香粉家
家散紫芬未夕黃姑牛罷飲橋邊却扇笑氤氳
銀潢高泛海人槎喜見天孫渡羽車詒鳳無緣求
務女牽牛有幸勝匏瓜月中易得西王藥雲外難
尋帝子家二七佳期秋及早仙靈故事最芬葩
服罷瑤箱向夕閒合歡應不減人間生離但得如
河鼓死育寧辭作破環百合香薰經歲夢九光燈
照隔秋顏心悲蘭夜難爲永未曙扶曦已可攀

子月似
破環

浣紗終歲苦參商又涉明河萬里長未許客星窺
織作頻從南斗得津梁冰開七子團團鏡露漚雙
鸞片片裳手爪昭回助雲漢定知天肯報文章天官

書南斗雲
漢津梁

東西河水只分流割斷雲潢作御溝職與婺星皆
寡宿生爲天媛更離愁鴛鴦有愧雙青鳥蟾兔無
情一白頭婉變未終初日上明年含睇又涼秋

閏七夕再詠牛女

素秋今歲重流火天爲雙星作閏來日月數真符
四七女牛歡似上雲臺還張北道長生席更把西
京百子杯喜母絲從河漢下佳人笑向彩雲開

翩翩鳳駕又佳期清淺秋河雨過時烏鵲更銜天
女石蠨蛸仍吐漢宮絲雙星豈合相憐愛一月何
曾是別離歡讌最難重此夕桂沉瑤彩不妨遲

天帝金錢定已還輟機重得七襄閒三星倍覺光
河漢一水頻催濕珮環心逐奔龍雲冉冉淚霑顧
菟月斑斑今宵始是無雙夕欲助填橋放白鵬謝惠

連詩今聚
夕無雙

小兒佳節又開樓羅綺風清織女秋露井華看神
水上天河光接白波流涼深夜半拋紈扇坐到晨
暉爲玉鉤靈匹每憐分袂後伯勞飛燕更含愁吳人

以七夕爲
小兒節

微茫雲際蹠龍鑣玉杼聲沉秋沈寥月未成光先
一日星當得語已雙宵填河天上無精衛催淚人
間有洞簫須女殷勤相媵好那能再閨是今朝

日成光 古詩脉脉不得
語 織女旁四星為須女

八月初八夕詠月

蛾眉今夕夜光成未到中秋鏡半明花逐露華香
共落酒和雲漢影同傾玉娥弓向天狼殼珠母胎
從顧兔生稍待團圓還與賞抽毫更寫仲宣情
片霞斜映絳河妍一半秋光死魄邊心似玉鉤猶
自曲影同紈扇更誰圓瑤臺未合雌雄鏡錦瑟休
張五十絃寒露欲來衣待寄離情悽斷綠尊前

六十二歲生日作

未到重陽暑氣消黃花已似客蕭條催人蟋蟀悲
遲暮失路驂駟歎沈寥不覺杖鄉加二歲豈堪高
臥遠三朝奇齡尚待慈親與得見河清即子喬
荏苒流光奈晚何六旬有二恨蹉跎艱難反國非
重耳嬰鑠臨軍豈伏波野鹿鳴麇多美草田鳧傍
母只寒河閨庭恩甚無餘事日取蘭陔入詠歌

是時皆六
十有二

六十人流未有聞又添時節兩秋分絮巾尚擁遼
東雪毛扇終揮薊北雲白恨蘆花同縞髮紅憎楓
葉似羅裙仙成詎忍忘人世鸞鶴翩翩不作羣

九日承王驃騎邀集東臯有賦

東臯亦似蘭亭會上已何如九日觴菊爲將軍開
紫笑梅因逸少吐紅香三江水到魚珠濶二嶠雲
連雁翅長南武自來天府地英雄衰白一霑裳
謝公棋墅此采林化碧痕餘秋艸深散帶且揮桓
氏彈和歌休愴雍門琴弓開更奮雙猿勢箭落時
驚一雁心暮擁黃雲歸路暝野風吹帽影蕭森

謝公

謂陳文忠公也

越王臺枕玉山平並騎登高結束輕戲馬風流還
九日射雕人地且三城將歸麗句雄笳鼓未醉香
醇困步兵笑插黃花憂未徧教添紫菊向長纓

梅

紛紛桃李臘前開豈意春初尚有梅人戴一枝爲
寶勝鶯銜數片作香胎隨風未肯沾泥去化雪猶
思入酒來醜面能令顏色好參差兒女滿粧臺

乍得

乍得春風不自持無人亦復舞腰肢白頭最恐花
如雪青鬢偏憐葉似絲有恨黃鶯聲咽咽無情紫
蝶影離離風流好向靈和殿更與嬋娟鬪翠眉

一春

一春煙雨失年華生事蕭條愧謝家五子詩書憂
靖節六龍婚嫁累公沙桃無紅白都成實梅有雌

雄總作花但使文章能富麗聯珠寶氏豈浮誇

雨聲

雨聲日夜如流水欲寫潺湲無素琴長夜已令哀
怨久故人還使夢魂深孤高野鶴難雙宿斷絕秋
猿祗一吟搖落自來悲宋玉江楓無柰更蕭森

寄答華亭朱君

君時在端州制府幕

雲間風雅未蕭條汝復悲歌起柳橋垂老尚爲蠻
府客思鄉應作越人謠羚羊探罷嘉魚穴華表書
殘錦石標莫更裕臺秋色裏愁從古木問前朝

奉寄關東友人

烏喇沙南接白山知君征戍幾時還空餘黑水穿

遼塞豈有春風度漢關鴻雁有心將尺素牛羊無
計與刀環稗兒酒好須沉醉醉射黃鸝一解顏

寄答王仲昭

君有桂山堂集

平生知己桂山君君若爲龍我作雲湖海相將同
白首芝蘭早得共清芬風雲動色惟高義日月爭
光豈至文嗟子最能知此志貽來書札思氤氳

贈九十張翁

翁年九十卽期頤紺髮朱顏映秀眉連歲生男皆
有影開春得妾更多姿芝華不少療饑者木槿偏
多愛老時鳳子衣圍孩笑滿弄雛堂上玉參差

湘江曲

九疑點點是離愁
淚作瀟湘萬古流
梧野至今迷
玉輦重華何處得
珠丘遺宮髣髴當南嶽
舊事蒼茫問白頭
騷客自來傷帝子
况逢蕭瑟洞庭秋

送客往盧溝作

桑乾亦是小黃河
橋下盧溝戰血多
水艸近京稀
白雁風沙隨地有
明駝西山雪作春
流大北闕煙含野
色和知有鯉魚遺
我否無窮飲馬奈
君何

贈廣州某別駕

先臣勲在太常中
特簡慈孫爲報忠
恭謹已知齊
萬石循良自可得
三公名城北枕臺
關險大府南開漲
海雄父老最能歌
別駕王祥看與使
君同

爲酒家黃丈壽

汝作黃公一酒壚
紅梅香釀白蕪湖
白衣好向玉京送
紀叟休令金粟沽
月喜輪高三五近
花愁斗大十千無
長生贈爾惟荒宴
嵇阮相從始不孤

紫菊

年年紫菊先黃菊
正色絲來得令遲
稍染清霜朱已奪
深含白露濕難持
冠邊香雜茱萸氣
釵畔妍爭翡翠姿
重九最憐開應節
陶公籬落未曾知

爲潮州孔別駕母陳太夫人壽

闕里生賢盡玉珂
尼峯五老秀嵯峨
素王詩禮文孫滿
魯國尊親壽母多
梅吐潮陽紅雪豔
萱開泗

上綠烟和憑將旨酒爲膏澤難老真如燕喜何

奉答方譽子枉顧艸堂畱贈之作次原韻

峯是羅浮最小孫艸堂須傍蔣山尊遺民君莫求
南越故國吾將老白門但使蒿藜三徑在敢言蘭
芷一家存水仙苗裔惟哀怨皓首騷經厭講論自方

江南至
故云

却幸窮愁得著書蕭條長守故山廬神仙未遣都
無分農圃何妨遂不如陶氏兒爭惟紙筆鄭公賓
笑是耰鋤白衣終與春秋老文豔看君獻子虛

奉和龔蘅圃駕部偕諸公遊光孝寺出城訪
長壽精舍之作次原韻

使節雍容蒼荀間菩提訶子更同攀花隨咳唾勞
天女鏡向虛無得玉顏南漢影餘雙塔在西禪聲
送一鐘還未陪揮塵期他日遍坐香臺弄白鷗西禪

郊外
寺名

並騎花田興欲乘半塘先訪白蓮僧貪聽霜葉驚
仙梵坐到星河拂玉繩梅早盡開催臘藥瓜寒尚
綴隔年藤精藍此地堪辭藻羨爾風流總義仍

送時君之京謁選

匹馬衝寒庾嶺過驚看雪比朔天多催春柳色迎
珠勒計日鶯聲送玉珂百里好求句漏地三年將
使越人歌羊城自是仙靈窟莫漫移家向御河

木棉頭卽事

紫桔黃柑艇子中
蛋娘無柰數錢工
嘉魚買向柔
荑手臘酒酤來淺
水篷榕樹半枯
初見雪鶴雛全
宿早知風去年寒
甚今年減嶺外春
光自不同

布水村題姬人舊居

三水西頭紫石磯
舊時桃葉此扁扉
綠蘿生長存
閭井碧玉人家本
細微樹解生珠瓊
蚌似花能吐
鳳赭桐希擬從雙
角攜公姥孺子宮
邊白首歸

寄懷毛翰林大可

苧蘿今日生才子
絕似施家又一西
文研定裁紅
粉石墨香應注浣
紗溪多錢方朔頻
辭帝無子商

陵不去妻最善
六朝兼沈宋
新聲妖冶使人迷

生蕭山嘗云西子是蕭山人見越紐書

家近湘湖多紫萼
季鷹聞已作逋臣
能爭西子爲
鄉里莫繼夷光作
土神弟子偏多才
藻女先生故
是滑稽人若蘭妬
絕陽臺去老蚌無
珠淚滿巾

壬申元日作

元正啓節又壬申
壽母加年百福新
韋氏生徒梯
几早謝家兒女剪
刀春蓬頭亦喜簪
華勝蘿帶偏
宜舞錦茵萊子未
衰孩笑甚膝前爭
作放鳩人
鹿布衣輕喜暖風
春來人事轉融融
三時量腹還
中叟一日承歡卽
上公柳吐煙光晴
更綠梅含冰

豔凍逾紅椒觴次第先年小新得孫曾乳燕同
細雨霏微作濕年定知禾黍滿中田長居隴畝憂
無日暫學農桑幸有天玉盞香浮椒日小冰盤辛
出芥心鮮開春半日能沉醉一歲歡娛解勝前
三朔那堪日蝕來春秋少見此天災奔車未遣麾
戈逐吐壤先教伐鼓催豈有鮑宣書更上無勞后
羿彈重開炎光沐浴還晞髮盡掃虹蜺愧不才是日
食

衰暮彌教愛日深非關葵藿解傾心重輪豈可虧
元旦枉矢何當射太陰歌舞東君賢姱在起居西
母阿環臨折花扶木持爲壽長向龜臺聽嘯音
光華猶憶聖明前拜手惟歌復旦篇欲作康侯依
晝日先從王母乞長年鶯教堂上催春酒花使房
中獻水仙白髮久忘興廢事嬰陵爭似伯瑜賢

上元後二夕惠州韶州兩使君暨諸公同集

長壽精藍分得一先韻

光含佛火百輪妍三五猶餘兩夕圓上客玉毫崔
液賦使君金鏡謝莊篇觴飛不記紅牙筴鉤戲爭
採白腹錢催放銀花無數樹炎炎春色結丹煙
南油滿注百枝燃火裏春生不夜天露冕雙臨光
乍合冰輪兩食影仍圓竹林荒宴惟須達蓮社風
流可是禪玉漏休催歸騎散看燈未盡簡文箋先

月十六月食是
月十五又月食

自中宿上韶陽道中有作

潮到禺陽一宿迴峽門南北向江開玉環已絕仙
猿跡長笛空傳帝子哀黃鵠有心終一舉白雲無
恙自重來峰峰相對都相似彩翠紛紛入酒杯
二禺離合似羅浮三峽縈迴到鬱洲螺女望夫山
石老秣鴟思婦野雲愁何心帝子偏長往有恨王
孫定久畱最是南朝餘古木蕭條落葉易高秋
嗟峨峽口多奇石一一香鑪不似峰夾岸赤城開
錦繡滿江青影倒芙蓉枯篁處處迷山寺洞穴時
時應暮鐘未盡諸灘愁婦子眠篙不遣一人鬆

險絕飛崖半壓舟紛紛象馬石當頭風教急峽三
朝過雨遣驚灘一日畱山鷓催歸知有夢野花多
故肯忘憂迷津欲向煙波問漁父無人祇白鷗
峯作華不四注來芙蓉何處翠華臺一天石笋穿
霞出百道雲門夾水開去路蒼茫邊雁引歸心斷
絕野猿催磬磬烏鳥霜林外菽水干人愧不才
北風吹飽一帆弓下水憎他竹箭同百丈攀緣愁
鳥道千盤上下苦蠶叢峯多牙角森相觸石積青
冥鬱不通絕壁有時如射的煙蘿穿徧翠玲瓏
天然勾漏幾峯深彈子誰穿鐵壁心亂出風雲無
數竇長含水石有餘音空中花滿知霜瀑絕頂枯

多隱玉簪猿鳥不知人有怨聲聲相應膝間琴壁

有大孔云黃巢彈子所穿名彈子磯

橫斜多似不成峯迸出空冥盡籀龍四壁痕留乾
瀑布半天香墮濕苔枯潭邊猿狄枝枝影石上磨
麴處處蹤灌木悲吟山鬼答離憂何處更相從
一重煙雨一重愁深掩蓬牕聽瀑流多羨無家惟
白鷺絕憐如故是黃牛漁燈稍辨沙邊驛戍角頻
驚江上樓垂老始知行役苦於陵衣食向人求
鷓鴣相喚白花潭多事雌雄祇向南越鳥亦知憐
久客空閨應枉種宜男帆檣拂盡千峯翠衣帶拖
殘一水藍井畔未畱盧橘樹高堂無養望蘇耽

至韶陽呈陳使君

依依又向謝公樓未盡歡娛是倡訓孺子知交多
太守少陵賓客老諸侯吟開紫翠雙天闕臥治神
明一太丘莫笑白華貧處子無營偏作稻梁謀
惠陽招手復韶陽愛客風流兩郡長才向右軍觀
筆陣又從仲舉拂書牀冰絃日奏清炎服玉璽天
褒首瘴鄉自是重華苗裔好九成臺畔易循良右

謂王惠州

惠浣堂成賦謝惠州王使君

惠浣者以使君守惠州兼惠草

堂資如浣花故事也

俸錢分得玉壺冰堂構城南力未勝築有伯夷為

太守居非仲子在於陵燕銜鶯粟香泥結萱樹蘭
房黛色疑五柳三槐春未已使君膏澤到雲仍
東樵未得遂幽居南郭依然作做廬仲舉肯先看
孺子文翁知最愛相如頻將金錯資開徑待化丹
砂潤著書裴冕林塘應更卜主人情甚浣花漁

題白鶴峰蘇文忠公祠贈用公

江山故宅一丹丘手澤蕭森古木秋放逐若非同
澧浦文章爭得老羅浮虹橋已爲靈妃作玉帶還
因老宿畱香火有君禪寂在不愁無地挹風流

浮橋蘇公爲亡
姬王朝雲所造

袈裟身似歲寒松白首棲閒祗鶴峰蟬已無心長

不食龍猶有角更多聰槎江水抱城陰曲象嶺雲

含槍影重掌故先朝還記否兼旬相對喜從容

聳龍以角
聽故云

咫尺糟丘卽洞天狂歌一一總通禪無生不使神

仙得却老休將服食傳雙嶽乍分空雨外二江長

合亂雲邊城西更有豐湖好舊住芙蓉四十年

生日示姬人

玉貌先生豈有求莫愁天遣慰窮愁更教竹葉無
離手自可蘆花不上頭共命鴛鴦爭一日同心桃
李媚三秋弄雛人愛將雛甚烏子多生逐鳳遊

辰先子
一日

蕭晨休歎歲寒催朔雪炎天未易來梅蕊故當重
九發菊花偏向小春開豈如桃好多根葉長與枯
高在草萊擣藥殷勤蟾兔似女君相逐上瑤臺

喜友人生子

公沙新舉一龍遲未到商瞿五十時貧似叔鸞多
二女才如宋氏有諸姬未知葛勃爲誰婿何意文
開得此兒長至喜當湯餅會梅花齊祝玉連枝
紛紛織素手爭攜負戴何年返會稽才子嘉名惟
犬子賢妻令德信鴻妻長貧亦得文章用未老休
將出處迷命子新篇應有作多開紙筆向中閨

雪殘香荔支復榮

新興社題

去臘南天苦雪侵珊瑚凍折荔支林春來香玉魂
都返翠作炎霞影盡陰火齊卽看紅日亂瑛盤更
沃碧泉深新州核小真難得冰雪全空姑射心

賦得莊周夢爲蝴蝶

新興社題

逍遙自是至人心仙夢虛無物化深出繭三春爲
鳳子如輪五色向花林千年蝙蝠徒爲爾一夕蜉
蝣亦至今解絕雲霓非有待漆園精爽在蘭衾

過梅菴奉訪石草老宿

老向霜林一漢臣梅花同作白頭春空看天醉逾
三紀未得河清已八旬野寺清冷惟井水荒城颯
杳總邊塵相過舊事談天寶淚灑禪枝愧苦辛

免

爰爰碩鼠不相同自是仙人白兔公撲朔解春天
上藥迷離長望月中雄龍沙小獵長親射雉子驚
飛總被罫斯首烹來催進酒甘涼一曲醉難終

鍾山和杜子

鍾山綿亘接三山勢作金城紫翠環牛首尚餘雙
闕在龍髯祗得一人攀二陵時食櫻桃外六代春
魂燕子間佳氣鬱蔥浮萬戶未應弓劍至今閒

太湖懷范大夫

風流誰似大夫長一載西施遂渺茫佳麗至今餘
笠澤精靈何處不夷光洞庭花枕魚鱗屋胥口雲

連玉屨廊終古紅顏感知已春來爭薦早梅芳

簡書得乾蝴蝶

不復翩翾作鳳車成煙尚識錦裙裾誰從花底畱
香蛻自向芸中友白魚狡獪總因勾漏令逍遙多
在漆園書未交金粉猶沾手知是雌雄獨宿餘

則粉退

羽化羅浮不記年丹書蠶食得神仙蜉蝣衣服消
冰雪科斗文章老洞天尸濁定知悲玉斧魂香應
尚在花田無情易謝人間世朽麥生涯信可憐

化為蝴蝶

端州弔古

蒙塵一自向牂犵魚服艱難觸網羅妃女淚添滇
海滿君王魂傍桂陽多羴羊舊國哀鷓鴣响嘯遺
宮隱薜蘿無數杜鵑誰再拜年年寒食一悲歌
幾日裕臺駐六飛龍髯攀墮淚空揮山河無地容
金盃陵寢何年振玉衣野接蒼梧成大漠峰連員
屋總金微哀笳吹盡之回曲未得生從絕塞歸
玉殿虛無水國陰西南空向夜郎深君臣枉寄蠻
夷命士馬長懸考妣心銅柱擎天餘尺土金戈逐
日祗長林艱難十載哀忠武血灑沙場碧至今

謂惠國
李公

終

翁山詩外

卷之
又十

番禺 屈大均 撰

七言律 三

癸酉元日作

天雞隱隱起空中海日初燒混沌紅氣象新從三
朔出光華長與一人同歡將壽爵歌難已老向高
堂舞更工無限春暉在芳草青青先到白頭翁
平明拜手御爐煙史筆恭陳上帝前虎視誰書秦
正月龍興自紀漢元年老人星在無長夜尊母臺
臨卽洞天王命早從慈氏識功成方作曜真仙
初風飄柳拂窓紗最早鶯聲是我家萱草天生長

草翁名

命草桃花人作合歡花紛紛子女爭珠黍一衣
裳鬪月華暄暖開春纔一日宣文已兩醉流霞
龍馬精神母氣傳六旬多四益貞堅方圓已盡義
皇卦五十須加孔父年膏潤梅花嫌雪少光浮栢
葉喜霞鮮胎禽子和松間滿老鳳飛聲接上天
春來容易玉顏醜未恨長貧老薜蘿方朔細君遺
肉少淵明稚子與梨多天桃有口元知笑翠羽無
心亦解歌早晚榆錢憑買酒五銖難復奈愁何
先師未曙禮簪裾繞膝童蒙告有餘商氏教兒先
大易伏公傳女更尚書三春絃誦開元吉一代文
章接太初異日儒林知有傳未應辭賦比相如

賣董華亭手卷

董公真跡世間希博取鎗銖更典衣書畫未充三
日腹文章長得百年饑求仁豈是專求粟采義何
嘗但采薇悔使黃金如糞土暮齡生計益全非

求仁者
之粟

賣墨與研不售感賦

舊墨方程不忍磨估人持去恨如何祗應研汁傾
三斗豈有揮金買一螺膠漆絕愁天下少錢刀空
使故人多頂煙欲盡分兒女教寫真書去換鵝
水巖真研石膏腴細奪仙人冰雪膚韞匱多年矜
美玉投人暗路愧明珠愁非善價偏難售枉說奇

珍不易圖金錯囊中羞澁甚少陵長是一錢無

乙亥生日病中作

未殉黃泉忍有身劬勞此日益沾巾生辰豈復知
重九明發空然念二人蒿蔚憂思成賤草蜉蝣變
化本微塵自今不惜先朝露有愧瓶罍是鮮民
無能代死格高旻苦塊餘年過六旬致毀敢當衰
老日勝喪思作孝慈人頻開几杖祠尊老不使妻
孥拜賤辰怙恃今朝成永感白頭孺慕向誰陳
枉度浮生八八春無成但作毀傷人親終此日方
稱老家弊何年始逐貧裕爲先朝根半固桂生南
國味全辛無窮天地惟哀痛灑淚空知怨不辰

年年生日舞萊衣今但堂前拜素幃尚可支牀同
阮籍會須廬墓學羅威啼鵓血盡聲難久病鶴神
傷夢亦稀膝下婆娑終已矣茫茫膚髮欲安歸
少孤尚識先公墓手種蒼松已十圍耐葬自知同
穴是於場誰謂獨居非無多虎跡心休怖有限猿
聲淚莫揮母難酸辛同此日堂空不見舊庭闈
歲歲躬耕却忍饑無餘筋力到甘肥未衰人已欺
玄鬢垂死天猶妬白衣芝草未知何代物梅花自
是昔賢薇重陽悽愴非霜露生日從來血淚揮

悼昭平夫人季劉

梅花自嫁接輿來一片水清映玉臺姓字頻馨高

士傳詩歌未暢美人才悲同竊藥歸蟾魄幸匪留
珠在蚌胎于役不會耽日月恐君愁望白龍堆
命薄相將嘆不辰水霜食盡碧山貧賃春頻失侯
光侶磨鏡空餘孺子身姑服未終祥禪日女行方
及標梅春平生淑儷難偕老淚滴糟糠又一人
廿載雞棲類伏雌牛衣相對總淒其英雄蹭蹬饑
寒日兒女綢繆老大時後死黔婁誰作誅長鯨沐
犢但含悲祗今鳧雁無心弋風雨平明臥起遲
多病芙蓉易白頭先姑逮事苦晨羞猶能四十非
朝槿未是東西作御溝去日長啼憂犬子生時均
養累尸鳩中年已喪三徐淑別鵠離鸞總一丘

題馬叅領樂田圖

無心射獵向秋空且擁圖書大帳中文學已將高
密似神仙更與伏波同雲林蕭散多真樂水木清
華滿素風兒女分傳經大小書聲吹徹越臺東

遷伏波將軍

姬人墨西氏生日賦以贈之

有美文房子墨卿先予一日下瑤京將書令拂花
綃滑欲畫教研水玉輕貪暖早梅頻結子宜寒遲
菊未舒英明須五日方重九萸酒延年且預傾
共命鴛鴦宿錦沙駢頭菡萏吐朝霞樂天無奈小
蠻柳摩詰偏多天女花喜有明珠雙出掌愁教碧

玉一持家芙蓉生近重陽節勿使清霜妒麗華
與我同生隔一朝天教玉佩早相要妝成墮馬猶
垂髮步作驚鴻豈折腰鳳產桐花香乳少蟬餐清
露玉肌消糟糠大婦傷先沒骨肉憑卿一手調
晚歲頻過養國時穆穆白髮愧蛾眉三千不說吳
光劍九十惟歌衛武詩翠篠沾濡愁粉膩蒼松繚
繞苦蘿絲兒童教育頻相託莫爲清貧損孝慈

黃華

黃華偏愛白頭人一朶長依折角巾秋色有情元
淡冶白雲無欲自清真詩因飲酒辭多放書爲籠
鵝筆更神蒲柳豈期能七十自來難老是天民

病中再送紫翁王使君之任川南

蓬廬久病絕車輪君爲沈綿日益親垂老幸逢生
歿友臨危忍作別離人之官况值黔巫遠遣使何
繇藥餌新知有啼猿代嗚咽一聲先寄峽門春
樂好人倫識鑒清分來仁孝有深情窮愁似我能
無死疾痛呼君卽所生治藥兼勞陳仲舉公與韶州陳太
守親治方藥傳經總愛鄭康成腐儒衰晚慙無補
病得以瘳感激知交淚欲傾

重來玉局似令威爲政風流塵尾揮風月追隨從
此遠湖山收拾又全非題詩浮嶽雲驅筆駐節峨
眉雪濺衣鈴閣虛明無一事美人何處不忘機

伏枕從教不復朝，塵封藥竈更箠瓢。誰能裹飯求
桑戶，自合持蔬槁鮑焦。黃蝶多情難速化，白鸞無
信祇空招。憑君此去頻相憶，錦水雙魚慰寂寥。
三春長夜如秋夜，臥疾沈沈欲返真。體魄何妨隨
變化，神仙亦是一埃塵。泉飛噴薄無生話，嶽立崢
嶸不死身。君最高深知此意，夢魂相逐到雙岷。
著述無成欲假年，天須後死續遺編。論文水乳真
知己，求友巖阿最得賢。微賤每遭交態薄，孤高終
抱道情偏。使君更是無驕客，安得重依衮繡前。

佟聲遠友兄愛予第四兒明渲特甚求養爲
己子病中賦詩六章敬以託之

三春問病少交親，君是新人卽故人。一日相知成
肺腑，兩家敦好勝婚姻。心傷舐犢犁牛老，肯代將
雛鳳鳥仁童。稚憐伊今失恃，更令樛木結慈因。
吾兒招弟已雙珍，上有三兄玉樹親。得託君侯成
父子，卽令昆友盡天人。桐花香好棲么鳳，荷葉高
宜覆綠蘋。况爾黃裳能逮下，自應螽羽有餘春。
今歲尸鳩應七子，昔年老蚌每雙珠。如君豔豔多
三婦，不日啾啾卽九雛。蘿附喬松絲宛轉，萍依青
水葉紛敷。定知恩愛長加膝，看似親生一丈夫。
淵明曠達但長吟，有子賢愚不繫心。婚嫁難完須
大耋，妻孥若棄卽長林。黃頭幼稚君能託，綠髓仙

真我欲尋根向太山如久結孤生竹篠自森森
病涉冬春已半年彌留不死任皇天已教隱几同
枯木便合遺衣化亂烟松勢每憂巢欲覆鶴聲安
望子能傳蠢茲豚犬無知識亞次相依或象賢
君池不獨美芙荷十二茨菰一乳多鯁鯉吹花爭
日暖鴛鴦喋藻樂春和將予黃口持香餌逐爾紅
粧向影娥孩笑喧喧同兩妹熊羆催下錦雲窠

終

